

# EPOKA

# ERE

E përditshme e pavarur  
Viti XX, nr. 6065  
E premte, 17 korrik 2020  
çmimi 0.40 €

## Rifillon dialogu, në Bruksel takohen Hoti dhe Vuçiqi

FAQE 8-9



Na ndiqni edhe në:

[www.epokaere.com](http://www.epokaere.com)



facebook.com  
Gazeta "Epoka e re"

**AWR** **ABBRUCH** GMBH  
[www.awr-abbruch.de](http://www.awr-abbruch.de)

FLET PËR "EPOKËN E RE", ALBERT KRASNIQI

## PARTITË POLITIKE PARA INTERESAVE TË QYTETARËVE KANË VËNË ATO PARTIAKE

Analisti Albert Krasniqi ka thënë se publikimi i njoftimit për dorëzim të aktakuzës ndaj Hashim Thaçit dhe Kadri Veseli do të ketë ndikim në raportet në mes të Kosovës dhe Serbisë. Në këtë intervistë dhënë për gazetën "Epoka e re", ai ka thënë se mungesa e presidentit Thaçi në dialogun me Serbinë do të lërë vakum insti-tucional në këtë proces. Krasniqi e ka

kritikuar qeverinë Hoti për mungesë të rezultateve në dy prioritetet kryesore të saj, për menaxhimin e pandemisë dhe për rimëkëmbjen ekonomike. Ai ka treguar se koalicioni qeverisës është duke hasur në vështirësi për sigurimin e kuorumit të nevojshëm në Kuvend. Po ashtu, Krasniqi ka thënë partitë politike para interesave të qytetarëve kanë vënë ato partiake



## NË PARLAMENTIN E MAQEDONISË SË VERIUT, 32 DEPUTETË SHQIPTARË



Sipas të dhënave të Komisionit Shtetëror Zgjedhor të Maqedonisë së Veriut, Lidhja Social Demokrate (LSDM), e drejtuar nga Zoran Zaev, ka dalë subjekti i parë politik në zgjedhjet e parakohshme parlamentare në Maqedoni, me dy deputetë më tepër ndaj VMRO-DPMNE-së. LSDM-ja ka fituar 46 vende në parlament,

VMRO-DPMNE-ja 44, BDI-ja 15, Aleanca për Shqiptarët me Alternativën 12, Lëvizja BESA, e cila garoi në koalicion me LSDM, 4 mandate, kurse PDSh-ja një vend në parlamentin prej 120 vendesh. Ky cikël zgjedhor duket të ketë qenë mjaft i suksesshëm për shqiptarët, të cilët nuk kanë pritur një numër kaq të madh të deputetëve

### 5 369 raste me Covid-19 në Kosovë, deri më tani 118 të vdekur



**RENOVA**  
PUTZ  
Maqedoni  
Xhepcisht-Tetovë  
Gurëz-Ferizaj  
Tel: +389 44 487 300; +389 44 487 009  
+389 44 487 755  
Fax: +389 44 487 200  
Mob: +377 44 501 289  
E-mail: [renova@mt.net.mk](mailto:renova@mt.net.mk)

**PRINCESHA**  
GROUP SH.P.K.  
NDËRTIM  
PROJEKTIM  
SHITJE  
INFO: 049-111-101,  
044-511-177  
[www.princesha-ks.com](http://www.princesha-ks.com)

**Bunjamini**  
FABRIKA E LLAQEVE  
MITROVICË  
044/256-051  
044/367-061  
028/532-617  
STYROKOL · BUNJAKOL · EUROFASADË

**Kolegji BIZNESI**  
www.kolegjibiznesi.com  
info@kolegji.biznesi.com  
038 500 878 | 045 500 878  
044 500 878 | 049 500 878

**SIGMA**  
VIENNA INSURANCE GROUP  
SIGMA INTERALBANIAN VIENNA INSURANCE GROUP SH.A  
DEGA KOSOVË  
Rruga "Pashko Vasa", p.n Prishtinë, Kosovë,  
Tel: +381 (0)38 246 301 Fax: +381 (0)38 246 302,  
E-mail: [info@sigma-ks.net](mailto:info@sigma-ks.net) | [www.sigma-ks.net](http://www.sigma-ks.net)

**DINO**  
Konjuh Lipjan, Magj.Prishtinë Ferizaj-Kosovë  
tel & fax +381 38 566 666

### OPINION

#### ÇFARË KËRKON EVROPA NËPËRMJET ZOTËRI MARTYT?

(9) F. 11

Shkruan:  
Kudusi LAMA



### AKTUALE

#### ITALIA I MBYLLË KUFIJTË PËR KOSOVËN, SERBINË DHE MALIN E ZI

F. 2

#### BANKA QENDRORE EVROPIANE U KËRKON UDHËHEQËSVE TË VEPROJNË URGJENTISHT NË EKONOMI

F. 3

### EKONOMI

#### NË MUAJIN QERSHOR 'KOSOVA B' KA REALIZUAR PLANIN E PRODHIMIT ME 116 PËR QIND

F. 6

#### PAS BLOKIMIT TË XHIROLLOGARIVE, MINISTRI KUÇI TAKOI BORDIN, MENAXHMENTIN DHE SINDIKATËN E TELEKOMIT

F. 6



### SPORT

#### DO TË SHOYRTOHET MUNDËSIA PËR RIAKTIVIZIMIN E TË GJITHA SPORTEVE

F. 16







# Në Parlamentin e Maqedonisë së Veriut, 32 deputetë shqiptarë

Sipas të dhënave të Komisionit Shtetëror Zgjedhor të Maqedonisë së Veriut, Lidhja Social Demokrate (LSDM), e drejtuar nga Zoran Zaev, ka dalë subjekti i parë politik në zgjedhjet e parakohshme parlamentare në Maqedoni, me dy deputetë më tepër ndaj VMRO-DPMNE-së. LSDM-ja ka fituar 46 vende në parlament, VMRO-DPMNE-ja 44, BDI-ja 15, Aleanca për Shqiptarët me Alternativën 12, Lëvizja BESA, e cila garoi në koalicion me LSDM, 4 mandate, kurse PDSH-ja një vend në parlamentin prej 120 vendesh. Ky cikël zgjedhor duket të ketë qenë mjaft i suksesshëm për shqiptarët, të cilët nuk kanë pritur realisht një numër të këtillë deputetësh



**EPOKA ERE** **Faton DËRMAKU**

**SHKUP, 16 KORRIK** - Lidhja Social Demokrate (LSDM), e drejtuar nga Zoran Zaev, ka fituar zgjedhjet parlamentare në Maqedoninë e Veriut me dy deputetë më tepër ndaj VMRO-DPMNE.

Komisioni Shtetëror i Zgjedhjeve në Maqedoninë e Veriut ka vazhduar numërimin e votave deri pasditen e së enjtes, ndërsa ka bërë me dije për një sulm kibernetik nga jashtë në faqen e internetit dhe në sistemin e përpunimit të të dhënave. Por, prej 96 për qind të materialeve të përpunuara, rezultojnë se Lidhja Social Demokrate ka fituar 46 vende në parlament, kurse VMRO-DPMNE-ja 44. Bashkimi Demokratik për Integritet 15, Aleanca për Shqiptarët me Alternativën 12, Lëvizja BESA, e cila garoi në koalicion me LSDM, 4 mandate, dhe Partia Demokratike Shqiptare një vend në parlamentin prej 120 vendesh. Këto nuk janë rezultate përfundimtare dhe mund të jenë objekt i ndryshimeve, por eventualisht një pjesë parti t'i shtohet një dhe

tjetrës t'i hiqet një mandat deputeti, nëse ato 4 për qind të votave të papërpunuara mund të ndikojnë në ndryshimin e rezultatit.

Ky cikël zgjedhor duket të ketë qenë mjaft i suksesshëm për shqiptarët të cilët nuk kanë pritur realisht një numër të këtillë deputetësh. Në zgjedhjet që kanë zgjatur deri në orën 21:00 të enjten, të drejtën e votës e kanë shfrytëzuar rreth 51 për qind nga 1.8 milion qytetarë me të drejtë vote. Komisioni Shtetëror i Zgjedhjeve në Maqedoninë e Veriut procesin zgjedhor e ka vlerësuar të rregullt dhe demokratik, me disa parregullsi të vogla që, sipas kryetarit të KShZ-së, nuk kanë ndikuar në mbarëvajtjen e procesit zgjedhor.

Kryetar i LSDM-së, Zoran Zaev, shpalli fitoren e partisë së tij duke theksuar se Maqedonia e Veriut tanimë ka të ardhme edhe më të sigurt. "Ne kemi sukses, njerëzit e mi, me një avantazh prej më shumë se tre mandate ndaj VMRO-DPMNE, me mundësinë edhe për një ose dy mandate të tjera. Koalicioni 'Mundemi' është fitues i zgjedhjeve në të cilat u

konfirmua vullneti i njerëzve. Qytetarët dolën dhe votuan për një të ardhme të sigurt, për unitet dhe solidaritet, për atdhetarizëm, për drejtësi, për një ditë më të mirë dhe një të nesërme më të mirë. Ne i thamë qartë jo rezikut", ka deklaruar Zoran Zaev, duke i vlerësuar zgjedhjet paqësore, të pastra, bazuar në standardet evropiane. Sekretari i përgjithshëm i VMRO-DPMNE-së, Igor Janjushev, ka thënë se VMRO-ja është e kënaqur me rezultatin, por jo edhe me procesin zgjedhor, për shkak të, siç ka thënë, parregullsi të shumta. Janushev ka thënë se rezultatet tregojnë se populli dëshiron ndryshimin, andaj VMRO-ja do të mbetet në garë për formimin e qeverisë së re. "Me këtë kredibilitet do të hyjmë në garë për sigurimin e shumicës në Kuvend. Beteja ende nuk ka përfunduar", ka deklaruar Janjushev.

Kryetari i BDI-së, Ali Ahmeti, ka deklaruar se fitorja e partisë së tij në këto zgjedhje është fitore e

të gjithë shqiptarëve. "Me këtë fitore të BDI-së kanë fituar shqiptarët dhe nuk ka humbur askush sepse ne u kemi dalë zot vërtet ashtu siç kemi qenë edhe më parë. Jemi fitues absolutë të zgjedhjeve", ka deklaruar Ahmeti.

Kryetari i Bashkimit Demokratik për Integritet (BDI), Ali Ahmeti, një ditë pas zgjedhjeve parlamentare në Maqedoni, ku partia e tij ka dalë fituese nga kompleksi shqiptar, ka bërë me dije se ka biseduar nëpërmjet telefonit me Menduh Thaçin dhe Bilall Kasamin. Ahmeti, duke falënderuar qytetarët për mbështetjen, ka thënë se shqiptarët do të jenë më të fortë nëse do të bëhen bashkë. "Të nderuar miq, ju faleminderit për mbështetjen tuaj të madhe dhe për zhvillimin e një procesi shembullor zgjedhor gjer në këto çaste. Sot pranova mijëra urata nga të gjitha trojet tona për të cilat jam shumë mirënjohës. Gjithashtu, sot realizova biseda telefonike me kryetarin e PDSH-së, z. Menduh Thaçi, dhe kryetarin e Lëvizjes Besa, z. Bilall Kasami, ndërsa do të realizojë biseda edhe me kryetarët e partive të tjera shqiptare, z. Gashi, z. Sela dhe z. Memedi, për ta vlerësuar bashkërisht rezultatit zgjedhor dhe për të këmbyer mendime. Bashkë jemi më të fortë", ka shkruar Ahmeti në llogarinë e vet në "Facebook".

Procesi u vëzhguar nga dhjetëra përfaqësues të ODIHR-it, përfshirë edhe diplomatë të ambasadave në Shkup. Shefja e misionit të ODIHR-it në Shkup, Laima Andrikiene, ka thënë të enjten në një konferencë shtypi, se zgjedhjet në përgjithësi u menaxhuan në mënyrë të efektshme në mes të sfidës së

pandemisë me koronavirusin, por se qëndrueshmëria ligjore u rrezikua me rishqyrtimet thelbësore të Kodit zgjedhor dhe rregullimet 'ad hoc' gjatë gjendjes së jashtëzakonshme, "Fushata me tone negative, megjithatë, ishte konkurruese dhe garuesit patën mundësi t'i dërgojnë mesazhet e tyre. Mbulimit nga ana e medias i mungoi vlerësimi kritik mbi platformat kundrejt reklamimit të paguar, duke favorizuar partitë më të mëdha", ka thënë Andrikiene.

Në zgjedhje kanë marrë pjesë 15 parti politike dhe koalicione, ndërsa nga gjashtë njësitë zgjedhore do të zgjidhen nga 20 deputetë apo 120 sa numëron Kuvendi i Maqedonisë së Veriut. Ministria e Punëve të Brendshme angazhoi rreth 6 000 forca policore për ta siguruar mbarëvajtjen e procesit zgjedhor. MPB-ja njoftoi se ka pranuar 11 denoncime për prishje të procesit zgjedhor. Zgjedhjet e së mërkurës ishin zgjedhjet e dhjeta parlamentare në Maqedoninë e Veriut.

Zgjedhjet duhej të mbaheshin më 12 prill, por ato u shtynë për shkak të pandemisë së koronavirusit dhe deri në mbajtjen e tyre vendi është drejtuar nga një qeveri teknike, pjesë e së cilës ka qenë edhe opozita maqedonase.

Zgjedhjet e parakohshme në Maqedoninë e Veriut ishin paralajmëruar nga ish-kryeministri Zoran Zaev që në dhjetor të vitit 2019, pasi ky vend arriti ta marrë datën e fillimit të negociatave me Bashkimin Evropian, pavarësisht prej zbatimit të marrëveshjes me Greqinë për ndryshimin e emrit nga Maqedoni në Maqedoni e Veriut.





FLET PËR “EPOKËN E RE”, ALBERT KRASNIQI

# PARTITË POLITIKE PARA INTERESAVE TË



Analisti Albert Krasniqi ka thënë se publikimi i njoftimit për dorëzim të aktakuzës ndaj Hashim Thaçit dhe Kadri Veseli do të ketë ndikim në raportet në mes të Kosovës dhe Serbisë. Në këtë intervistë dhënë për gazetën “Epoka e re”, ai ka thënë se mungesa e presidentit Thaçi në dialogun me Serbinë do të lërë vakum institucional në këtë proces. Krasniqi e ka kritikuar qeverinë Hoti për mungesë të rezultateve në dy prioritetet kryesore të saj, për menaxhimin e pandemisë dhe për rimëkëmbjen ekonomike. Ai ka treguar se koalicioni qeverisës është duke hasur në vështirësi për sigurimin e kuorumit të nevojshëm në Kuvend. Po ashtu, Krasniqi ka thënë partitë politike para interesave të qytetarëve kanë vënë ato partiake

është duke hasur në vështirësi në sigurimin e kuorumit të nevojshëm në Kuvend dhe për t'i siguruar votat e nevojshme për të kaluar ligjet që kërkojnë shumicë të thjeshtë. Krasniqi ka vlerësuar se në rrethana të tilla funksionaliteti i qeverisë rrezikohet, duke shtuar se kjo situatë kërkon ose zgjerim të koalicionit, ose shpërndarje të Kuvendit për t'u hapur rrugë zgjedhjeve të jashtëzakonshme.

**“Epoka e re”:** Z. Krasniqi, si po e shihni rolin e Kuvendit të Kosovës gjatë pandemisë? Në çdo seancë parlamentare po ka përplasje të ndryshme politike dhe jo debate për problemet e qytetarëve. Ende nuk janë ratifikuar pesë marrëveshjet ndërkombëtare ndërsa, më në fund, është miratuar në parim projektligji për rishikimin e buxhetit?

**Krasniqi:** Sipas një sondazhi të publikuar nga Instituti Demokratik Kombëtar (NDI), organizatë kjo amerikane që vepron në Kosovë, në pyetjen se cilat duhet të jenë prioritetet e Kuvendit të Kosovës, me mundësi të zgjedhjes së dy opsioneve, 63 % e qytetarëve të

anketuar kanë deklaruar se Kuvendi duhet ta ketë prioritet aprovimin e pakos ekonomike në mbështetje të ekonomisë së vendit gjatë periudhës së pandemisë, kurse 56 % kanë deklaruar se Kuvendi duhet të iniciojë dhe miratojë legjislacionin e nevojshëm për luftimin e pandemisë. Siç mund të shihet prej përgjigjeve të qytetarëve, pritjet e tyre janë ekonomia dhe shëndeti. Këto pritje janë të kundërta me sjelljet e Kuvendit gjatë periudhës së pandemisë. Partitë politike kanë vënë përpara interesat e tyre elektorale para nevojave të qytetarëve. Ballafaqimi me pandeminë duhet të jetë një luftë e përbashkët, e të gjitha forcave politike dhe secila prej tyre duhet të ofrojë më të mirën prej vetes, pa kalkuluar në përfitime të votave. Në pyetje janë shëndeti publik dhe ekonomia e vendit. Humbja e kësaj lufte do të ketë pasoja afatgjata për vendin. Prandaj partitë politike, deputetët individualisht, duhet të jenë shumë më të arsyeshëm dhe të përgjegjshëm para se të ndërmarrin veprime për të bllokuar apo parandaluar iniciativë që i kontribuojnë luftës

**EPOKA E RE****Muhamet KOCI**

**PRISHTINË, 16 KORRIK** - Analisti Albert Krasniqi ka deklaruar se mungesa e presidentit të Kosovës, Hashim Thaçi, në dialogun me Serbinë, do të lërë vakum institucional në këtë proces. Ai ka treguar se ky vakum nuk do të jetë vetëm për shkak të peshës së pozitës së tij. Në këtë intervistë dhënë për gazetën “Epoka e re”, ai ka thënë publikimi i njoftimit për dorëzim të aktakuzës ndaj Hashim Thaçit dhe Kadri Veselit do të ketë ndikim në raportet në mes të Kosovës dhe Serbisë. “Mungesa e zotëri Thaçit në procesin e

dialogut do të lërë vakum institucional jo vetëm për peshën e pozitës së tij, por edhe për memorien institucionale pasi është personi i vetëm që është në këtë proces që nga fillimi dhe, për më keq, nuk ka pasur transparencë për atë se si janë zhvilluar negociatat dhe cilat kanë qenë çështjet kyçe për të cilat palët kanë hasur në vështirësi për të arritur marrëveshje”, ka thënë Krasniqi. Ai e ka kritikuar qeverinë Hoti për mungesë të rezultatit për realizimin e dy prioritetëve kryesore të saj: menaxhimin e pandemisë dhe rimëkëmbjen ekonomike. Sipas Krasniqit, gjatë kësaj periudhe kohore qeveria ka

pasur prioritet dialogun me Serbinë, duke e lënë anash menaxhimin e pandemisë. “Qeveria Hoti në momentin që është zgjedhur ka dhënë premtimin që do të ketë dy prioritetet: menaxhimin me pandeminë dhe rimëkëmbjen ekonomike. Për një muaj prej se ka marrë mandatin, nuk ka dhënë rezultate në asnjërin prej këtyre dy prioritetëve. Gjatë kësaj periudhe qeveria ka pasur prioritet dialogun me Serbinë, duke e lënë anash menaxhimin e pandemisë. Masat e para u morën vetëm pas një muaji, kur gjendja veçse ishte përkeqësuar ndjeshëm”, ka thënë Krasniqi. Ai ka treguar se koalicioni qeverisës

# QYTETARËVE KANË VËNË ATO PARTIAKE

tejet të rëndësishëm po luan edhe bashkëpunimi i qytetarëve dhe përfillja e rregullave të institucioneve shëndetësore. Ta zëmë, në vendet si Japonia, ku qytetarët kanë treguar kulturë të larë të kujdesit ndaj vetes dhe të tjerëve, duke i mbajtur maskat, ka dhënë rezultate më të mira për parandalimin e shpërndarjes së virusit. Në Kosovë masat nuk po përfillen nga qytetarët dhe kjo, përveç që tregon për një nivel të ulët të kujdesit për mirëqenien e përgjithshme, është edhe pasojë e mosfunksionimit të mekanizmave sanksionues për ata që thyejnë rregullat.

Qeveria Hoti në momentin që është zgjedhur ka dhënë premtimin se do të ketë dy prioritete: menaxhimin me pandeminë dhe rimëkëmbjen ekonomike. Që një muaj prej se e ka marrë mandatin nuk ka dhënë rezultate në asnjërin prej këtyre dy prioriteteve. Gjatë kësaj periudhe qeveria ka pasur prioritet dialogun me Serbinë, duke e lënë anash menaxhimin e pandemisë. Masat e para u morën vetëm pas një muaji, kur gjenda veçse ishte përkeqësuar ndjeshëm. Për më tepër, këto masa nuk duket se janë menduar mirë, më shumë janë nga një qasje ad-hoc njoftimi për të cilat u bë vetëm disa orë para se ato të hyjnë në fuqi, duke mos u dhënë mundësi bizneseve apo qytetarëve të prekur që të bëjnë zgjidhje alternative siç ishte, ta zëmë, mbyllja e kopshteve për fëmijë.

**“Epoka e re”:** Për çdo votim të rëndësishëm në Kuvend, koalicionit qeverisës po i duhen votat e opozitës. Sa mendoni se mund të zgjasë kjo qeveri, apo pritni një zgjerim të këtij koalicioni?

**Krasniqi:** Koalicioni qeverisës është duke hasur në vështirësi edhe në sigurimin e kuorumit të nevojshëm në Kuvend për të mbajtur mbledhje plenare, por edhe për t’i siguruar votat e nevojshme për t’i kaluar ligjet që kërkojnë shumicë të thjeshtë, mos ta përmendim këtu ratifikimin e marrëveshjeve ndërkombëtare që kërkojnë votat e dy të tretave të të gjithë deputetëve. Në rrethana të tilla, funksionaliteti i qeverisë rrezikohet dhe pashmangshëm kërkon ose zgjerim të Kuvendit për t’u hapur rrugë zgjedhjeve të jashtëzakonshme. Përfshirja e PDK-së në koalicion qeverisës është një skenar i mundshëm, por ekziston edhe një mundësi tjetër që PDK-ja të mos përfshihet në qeveri, por ta ketë përkrahjen e partnerëve të koalicionit për ta zgjedhur presidentin nga radhët e veta kurdo që do të ndodhë kjo, si dhe ta luajë rolin e opozitës konstruktive, duke i votuar disa prej ligjeve të rëndësishme të qeverisë, siç mund të jetë Ligji për Buxhetin, si dhe duke i dhënë besimin në rast të ngritjes së mocioneve të mosbesimit. Në sistemin parlamentar të Uestminsterit,

kur partitë politike opozitare nuk marrin poste ministrore në qeveri, por që japin mbështetjen për qeverinë në këmbim të shtyrjes përpara të politikave të caktuara, njihet si besim-dhe-mbështetje (confidence-and-supply). Një skenar i tillë do të ishte në interes edhe të qeverisë, pasi do t’i ofronte më shumë stabilitet, por edhe të PDK-së, e cila do ta kishte të drejtën e propozimit të presidentit dhe t’i shmangte zgjedhjet, sidomos në këtë kohë kur lideri i saj është duke u përballur me akuza nga Gjykata Speciale.

**“Epoka e re”:** Qeveria është deklaruar pro vazhdimin të dialogut me Serbinë. Paralelisht me këtë proces është hapur edhe çështja e aktakuzave të para të Gjykata Speciale ndikim në rifillimin e procesit të dialogut Kosovë - Serbi?

**Krasniqi:** Publikimi i njoftimit për dorëzim të aktakuzës ndaj z. Thaçi dhe z. Veseli do të ketë ndikim në raportet në mes të Kosovës dhe Serbisë. Ditë më parë u njoftua që Serbia ka dorëzuar edhe dëshmi shtesë në Gjykatën Speciale kundër z. Thaçi. Po ashtu, mungesa e zotëri Thaçit në procesin e dialogut do të lërë vakum institucional jo vetëm për peshën e pozitës së tij, por edhe për nga memoria institucionale, pasi është personi i vetëm që është në këtë proces që nga fillimi dhe, për më keq, nuk ka

pasur transparencë për atë se si janë zhvilluar negociatat dhe cilat kanë qenë çështjet kyçe për të cilat palët kanë hasur në vështirësi për të arritur marrëveshje.

**“Epoka e re”:** Së fundi, kemi parë një moskoordinim në mes të ShBA-së dhe të BE-së për procesin e dialogut. Duket sikur këto vende janë në garë për këtë proces. Si duhet të sillt Kosova në raport me këtë rivalitet të ShBA-së dhe të BE-së në këtë proces?

**Krasniqi:** Krahas mungesës së koordinimit ndërmjet ShBA-së dhe BE-së për procesin e dialogut për normalizim të marrëdhënieve ndërmjet Kosovës dhe Serbisë, duket se ka pasur edhe një lloj të rivalitetit se kush po e merr primatin në këtë proces. Për më keq, është vërejtur edhe një lloj mosharmonizimi ndërmjet politikave të administratës së presidentit Trump me ato të Departamentit të Shtetit, si përfshirja e ShBA-së, të cilën liderët kosovarë me ngulm e kanë kërkuar, ashtu edhe BE-ja janë shumë të rëndësishme për ta mundësuar marrëveshjen dhe garantuar zbatimin e marrëveshjeve të arritura deri më tani. Kosova nuk duhet të ketë qasje preferenciale ashtu siç ka ndodhur kohën e fundit. Për presidentin Thaçi duket se administrata Trump ka qenë më e preferuar, kurse ish-kryeministri Kurti ka pasur preferenca për BE-në.

me pandeminë dhe rimëkëmbjes ekonomike. Ky është prej atyre momenteve në histori që kërkon të lihen anash interesat e ngushta personale dhe partiake.

**“Epoka e re”:** Qeveria ka refuzuar ta çojë në Kuvend projektligjin për pandeminë. Pas rritjes së numrit të të infektuarve me Covid-19, ekzekutivi ka ndërmarrë disa masa kufizuese, duke e lënë hapur mundësinë e shpalljes së gjendjes së jashtëzakonshme. Cili është vlerësimi juaj për menaxhimin që qeveria Hoti po i bën pandemisë?

**Krasniqi:** Menaxhimi i pandemisë nuk është një çështje e lehtë dhe e thjeshtë për asnjë shtet, pasi është një situatë me të cilën po përballemi për herë të parë. Shumë vende me ekonomi të zhvilluar dhe me kapacitete të mëdha shëndetësore, siç janë ShBA-ja, Mbretëria e Bashkuar, Italia apo Spanja, kanë pasur probleme serioze dhe menaxhim të dobët të pandemisë përkundër resurseve të shumta që i kanë në dispozicion. Përveç intervenimit nga institucionet shtetërore, rol

## Rifillon dialogu, në Bruksel takohen Hoti dhe Vuçiqi

**BRUKSEL, 16 KORRIK (ER)** - Kryeministri i Kosovës, Avdullah Hoti, është takuar të enjten në Bruksel me presidentin e Serbisë, Aleksandër Vuçiq, pas gati dy vjetësh bllokadë të procesit dialogues. Përfaqësuesit e Kosovës dhe Serbisë u mirëpritën në fillim në takime të ndara, nga kreu i diplomacisë evropiane, Josep Borell, ndërsa i dërguari i posaçëm i BE-së për dialogun, Mirosllav Lajčak, do të marrë pjesë në negociata.

Hoti në takim me Vuçiqin ishte i shoqëruar nga dy zëvendësit e tij, Driton Selmanaj, Albulena Balaj-Halimi dhe ministri i Drejtësisë, Selim Selimi.

Përfaqësuesi i Lartë i BE-së për Politikë të Jashtme dhe Siguri, Josep Borrell, para takimit ka inkurajuar Kosovën dhe Serbinë që të zhvillojnë një dialog në



frymën e kompromisit dhe pragmatizmit. “Pres diskutim konstruktiv që do t’i kon-

tribuonte normalizimit gjithëpërfshirës të raporteve ndërmjet dy vendeve”, ka

deklaruar Borrell. Ai ka theksuar se i vjen mirë që BE-ja e ka rikthyer rolin udhëheqës të dialogut ndërmjet Kosovës dhe Serbisë.

Në fakt, dialogu virtualisht rifilloi më 12 korrik, ku palët biseduan përmes një video-konference, por takimi i së enjtes paraqet bisedimet e para të drejtpërdrejta pas 20 muajsh.

Ky, gjithashtu, është takimi i parë në të cilin nuk do të marrë pjesë ish-bashkëbiseduesi kryesor i Brukselit nga Prishtina - presidenti i Kosovës Hashim Thaçi.

Ky raund i dialogut po zhvillohet në Bruksel, derisa Thaçi po vazhdon të dëshmojë para Prokurorisë Speciale në Hagë, kundër të cilit është dërguar një aktakuzë për shqyrtim për krime lufte dhe krime kundër njerëzimit.



## Universiteti i Shkencave të Aplikuara në Ferizaj, me projekt të ri për mësimin në distancë

**EPOKA  
ERE** Qendresa RAMA

FERIZAJ, 16 KORRIK - Universiteti i Shkencave të Aplikuara në Ferizaj (UShAF) dhe Shkolla Austriake e Studimeve të Aplikuara (ASAS) kanë mbajtur takim të parë virtual të projektit për mësimin në distancë në arsimin e lartë akademik dhe të vazhdueshëm, zhvillimin e programeve në distancë dhe në prani. Ky projekt është financuar nga Austrian Development Agency (ADA) dhe ASAS, vlera e të cilit është mbi 400 000.00 euro. Në këtë takim u paraqitën objektivat e projektit të mësimin në distancë, rezultatet e pritura dhe plani i zbatimit për dy vjetet e ardhshëm.

Rektori i UShAF, prof. dr. Agron Bajraktari, ka falënderuar të gjithë pjesëmarrësit në takim dhe ka folur për bashkëpunimin shumëvjeçar me shtetin austriak dhe mbështetjen që i ka ofruar gjithmonë ky shtet, në veçanti Universiteti i Shkencave të Aplikuara në Salzburg. Po ashtu, ai ka thënë se do të realizojnë me shumë përkushtim çdo gjë që



kërkohej në këtë projekt.

Ndërsa ambasadori Christoph Weidinger nga Ambasada e Austrisë në Kosovë, veç të tjerash, ka thënë se shteti austriak mbështet UShAF-in dhe programet e tij, të cilat janë të dizajnuara për tregun e punës. Po ashtu, ai ka thënë se

bashkëpunimi me UShAF nuk do të mbarojë me këtë projekt, por do të vazhdojë edhe në të ardhmen.

Ministri i Arsimit dhe Shkencës, Ramë Likaj, ka thënë se do të ofrojë mbështetje për realizimin e tij. Besim Mustafa nga Oda

Ekonomike e Kosovës ka theksuar se janë me fat që kanë filluar këtë projekt në kohën e pandemisë dhe se aktivitetet e edukimit janë shumë të rëndësishme për ta. Në kuadër të këtij projekti, UShAF dhe ASAS së bashku do ta lansojnë mësimin në

distancë në Kosovë, duke krijuar trajnime të certifikuar universitare në distancë për studentët dhe profesionistët e punës, të cilat do të ofrohen nga UShAF dhe Universitetet Austriake ose partnerët e tyre implementues.

Pritet që ky projekt ta krijojë shkëmbimin e njohurive në prezantimin e mësimin në distancë, i cili do të kontribuojë në rritjen ose forcimin e punësueshmërisë së studentëve dhe profesionistëve në Kosovë. Po ashtu, studentët do të pajisen me diplomë të përbashkët nga UShAF dhe Universiteti i Grazit.

ASAS është partner i "E-learning group Austria" dhe ka zyrën përfaqësuese në Kosovë. Kjo zyrë do të kontribuojë në ofrimin e arsimit dhe aftësimin akademik modern dhe të përshtatur për studentët dhe profesionistët që punojnë me qëllim kryesor të kontribuojnë në zhvillimin e sektorit privat në Kosovë, duke ofruar programe plotësuese të arsimit dhe trajnimit akademik të cilat kërkohen nga komuniteti i biznesit dhe që nuk ofrohen aktualisht nga institucionet e arsimit të lartë në Kosovë.

## Kosova dhe Shqipëria koordinohen për harmonizimin e kurrikulave të arsimit parauniversitar



PRISHTINË, 16 KORRIK (ER) - Ministri i Arsimit dhe Shkencës, Ramë Likaj, ka pritur të enjten në takim ministren e Arsimit, Sportit dhe Rinisë të Shqipërisë, Besa Shahini, me të cilën ka biseduar për gjendjen në arsim në të dy vendet. Në takim është biseduar për bashkëpunimin e deritanishëm të Kosovës dhe të Shqipërisë në arsim dhe mundësitë e thellimit të bashkëpunimit me qëllim të ngritjes së cilësisë në të gjitha nivelet e arsimit. Njëherësh, ministrat janë marrë vesh për

harmonizim të mëtejshëm të kurrikulave të arsimit parauniversitar, si dhe për shkëmbim të platformave digjitale për mësimin online, shumë të nevojshëm në kohën e pandemisë.

Ministri Likaj dhe Shahini biseduan edhe për situatën e pandemisë, e cila ka shkaktuar vështirësi të mëdha në të gjithë sektorët, veçanërisht në arsim. Të dy ministrat e Arsimit u morën vesh që ta shtojnë bashkëpunimin, sidomos për përgatitjet që po bëhen në Kosovë dhe Shqipëri për fillimin e vitit të ri shkollor.

## Familjarët ia çojnë kasetofonin me telefona brenda të burgosurit në Dubravë

PRISHTINË, 16 KORRIK (ER) - Në Qendrën Korrektuese në Dubravë gjatë kontrollimit të gjërave të sjella nga familjarët e një të burgosuri, oficerët korrektues kanë arritur ta parandalojnë futjen e kontrabandës në këtë qendër. "Oficerët korrektues në vazhdimësi të planit operativ për bastisje të qëllimta kanë bërë bastisjen e një kasetofoni, i cili ishte sjellë nga

familjarët e të burgosurit. Bastisja ka rezultuar pozitive, me ç'rast në brendinë e kasetofonit janë gjetur një telefon mobil 'Samsung' J5, një telefon mobil 'LB STAR' (mini), një bateri e telefonit mobil 'Samsung' dhe tri kablllo të mbushësit për telefona mobilë", ka njoftuar Shërbimi Korrektues i Kosovës.

Lidhur me rastin, i burgosuri

është veçuar deri në hetimin e rastit dhe ndaj tij është iniciuar procedura disiplinore. "Me qëllim të eliminimit të dukurive negative nëpër institucionet korrektuese dhe ato të paraburgimit, Shërbimi Korrektues i Kosovës do të vazhdojë ta ketë primare luftimin e dukurive negative dhe kontrabandës", bëhet me dije në njoftimin e ShKK-së.





# 5 369 raste me Covid-19 në Kosovë, deri më tani 118 të vdekur

Sipas rezultateve të fundit të Institutit Kombëtar të Shëndetësisë Publike të Kosovës (IKShPK), janë konfirmuar edhe 132 raste të reja pozitive me Covid-19 dhe gjashtë persona kanë vdekur. IKShPK-ja ka njoftuar se numri total i rasteve pozitive me Covid-19 është 5 369. Institutit Kombëtar ka bërë thirrje për respektim të masave kundër Covidit

EPOKA  
ERE

Faton DËRMAKU

PRISHTINË, 16 KORRIK - Instituti Kombëtar i Shëndetësisë Publike të Kosovës (IKShPK) ka njoftuar se më 15 korrik janë konfirmuar edhe 132 raste të reja me Covid-19, ndërkaq po me këtë datë kanë vdekur edhe gjashtë persona nga ky virus, duke e çuar numrin e vdekjeve në 118. "Më datën 15 korrik 2020, në Laboratorin e Mikrobiologjisë Molekulare në IKShPK, me metodën RT-PCR janë testuar gjithsej 486 mostra të marra nga ShSKUK dhe gjurmimi i kontakteve të rasteve në terren, prej të cilëve rezultojnë 132 raste pozitive. Numri total i rasteve pozitive është 5 369 raste nga 29 546 persona të dyshimtë me virusin SARS-CoV-2, me gjithsej 118 raste të vdekjes të cilët kanë pasur sëmundje të tjera shoqëruese", është bërë me dije në njoftimin e IKShPK-së. Rastet pozitive janë nga: komuna Prishtinë 47 raste,

komuna Ferizaj 16 raste, komuna Mitrovicë 16 raste, komuna Gjilan 12 raste, komuna Podujevë 6 raste, komuna Vushtrri 5 raste, komuna Viti 4 raste, komuna Drenas 4 raste, komuna Fushë Kosovë 4 raste, komuna Pejë 3 raste, komuna Prizren 3 raste, komuna Deçan 2 raste, komuna Kaçanik 2 raste dhe me nga 1 rast komunat: Kamenicë, Klinë, Graçanicë, Klokot, Mitrovicë e Veriut, Obiliq, Rahovec dhe Skenderaj.

Sipas këtij njoftimi, më 15 korrik janë shëruar edhe 83 pacientë derisa numri i përgjithshëm i të shëruarve deri më sot është gjithsej 2 545 raste, kurse numri i rasteve aktive është 2 706.

Instituti Kombëtar i Shëndetësisë Publike u ka bërë thirrje qytetarëve që t'i respektojnë masat kundër Covidit. "Zbatimin e rekomandimeve të Institutit Kombëtar dhe Ministrisë së Shëndetësisë duhet ta bëjë çdo qytetar i Republikës së Kosovës, që të ruajë veten, të afërmit dhe

të tjerët. Apelojmë te qytetarët, bizneset, gastronomia, që në mënyrë strikte ta respektojnë distancën fizike, përdorimin e maskave, dezinfektimin dhe ajrosjen e lokaleve, duke pamundësuar përhapjen eventuale të infeksionit dhe shmangien e përhapjes në hapësirat e mbyllura", është thënë në njoftimin e IKShPK-së. Sipas IKShPK-së, çdo shkelje e rregullave nga kushdo do të konsiderohet rrezikim i shëndetit dhe jetës së të tjerëve. Vazhdoni ta mbani distancën fizike dhe maskat. Lani duart me kujdes disa herë në ditë nga 20-30 sekonda. Lehtësimi i masave është bërë për të na bërë më të përgjegjshëm", ka njoftuar IKShPK-ja.

## 104 zyrtarë të MPB-së me Covid-19, katër nga kabineti i Veliut

104 zyrtarë në Ministrinë e Punëve të Brendshme janë të infektuar me Covid-19, katër prej të cilëve janë zyrtarë nga kabineti i ministrit Agim Velu. Kështu ka thënë për klankosova.tv, Roksana Qarri nga MPB, e cila ka shtuar se të gjithë të infektuarit janë në gjendje stabile dhe se janë duke qëndruar të vetizoluar. "Deri më sot në Ministrinë e Punëve të Brendshme dhe Agjencitë e MPB-së, gjithsej janë të infektuar 104 zyrtarë me Covid-19, ku nga ta 20 zyrtarë janë nga stafi civil, 4 zyrtarë nga kabineti i ministrit

si dhe 80 janë zyrtarë policorë. Sipas raportimeve, gjendja e tyre është stabile, ku të gjithë të infektuarit janë të vetizoluar në shtëpitë e tyre, në përjashtim të gjashtë zyrtarëve policorë që gjenden në spital për trajtim. MPB-ja është e informuar se gjendja e tyre është stabile për momentin. Po ashtu, disa zyrtarë të cilët janë raste të kontaktit me personat e infektuar me Covid-19 janë në vetizolim, por pa simptome. Ju njoftojmë që MPB është duke punuar me staf esencial sipas rekomandimeve të IKShPK-së", ka thënë Qarri.

## Ministri Velu i ofron përkrahje Akademisë së Kosovës për Siguri Publike

PRISHTINË, 16 KORRIK (ER) - Ministri i Punëve të Brendshme, Agim Velu, ka vizituar të enjten Akademinë e Kosovës për Siguri Publike (AKSP), ku është pritur nga drejtori i përgjithshëm i saj, Ismail Smakiqi. Me këtë rast, ministri Velu është njoftuar për së afërmi me punën e AKSP-së dhe sfidat që janë duke kaluar ata gjatë periudhës së pandemisë Covid-19. Ministri Velu në këtë takim ka shprehur gatishmërinë e tij për të mbështetur këtë institucion që tashmë njihet ndërkombëtarisht. Ai, gjithashtu, ka falënderuar partnerët ndërkombëtarë që kanë dhënë kontribut të vazhdueshëm në përkrahjen e këtij institucioni dhe është zotuar për përkrahjen e Akademisë në proceset e akreditimit të cilat e presin në periudhën e ardhshme. Në anën tjetër, Smakiqi ka bërë



një prezantim të shkurtër të AKSP-së, ku e ka njoftuar Velun që implementimin e programeve dhe trajnimeve të dizajnuara në bazë të standardeve më të larta ndërkombëtare për të drejtat e njeriut dhe sundimin e ligjit, do

të jenë primare dhe obliguese për të gjithë, në mënyrë që të arrihet profesionalizëm më i lartë në shërbim të vendit dhe qytetarëve. Gjatë kësaj vizite, ministrit Velu i është prezantuar ushtrimi praktik me instruktor, ku

kadetët e FATS-it patën rastin ta demonstrojnë ushtrimin me armë zjarri, si dhe ka vizituar klasën ku po mbahen trajnimet online me kadetë. Në fund ministri Velu u është drejtuar kadetëve duke i inkurajuar për durim dhe

disiplinë gjatë kësaj periudhe të pandemisë si dhe ka kërkuar nga ta të tregojnë angazhim dhe përkushtim për të arritur rezultate sa më pozitive si në anën profesionale, po ashtu edhe në atë të shkathtësive fizike.



## Në muajin qershor 'Kosova B' ka realizuar planin e prodhimit me 116 për qind

**EPOKA E RE** Albulena S. MAVRAJ

PRISHTINË, 16 KORRIK - Korporata Energjetike e Kosovës (KEK) ka njoftuar se, pavarësisht prej situatës së rënduar në gjithë vendin, e krijuar si pasojë e pandemisë Covid-19, me angazhimin maksimal të menaxhmentit dhe punëtorëve TC 'Kosova B', ka arritur që me sukses të jashtëzakonshëm ta përmbyllë muajin qershor me një realizim të planit të prodhimit prej 116 për qindësh. Në këtë drejtim, u. d. i drejtorit ekzekutiv në TC 'Kosova B', Jonuz Saraçi, ka thënë se më 31 maj 2020 ka filluar riparimi dyzetditor i Bllokut B1. "Sipas

planit, fillimi i punës së Bllokut B1 ka qenë i paraparë të ndodhë më 11 korrik 2020, mirëpo pas një riorganizimi të mirë të punës dhe pas një angazhimi të shtuar të punëtorëve, përkundër pandemisë dhe problemeve përcjellëse, kemi arritur që riparimin ta përfundojmë për 26 orë më herët sesa që ishte planifikuar", është shprehur ai.

Ai më tutje ka shtuar se, krahas punës në B1, ku shumica e punëtorëve ishin të angazhuar, sfidë tjetër përbënte edhe angazhimi në mirëmbajtjen dhe operimin në Bllokun B2. "Kushtet në të cilat punëtorët punonin vërtet ishin të rënduara, për shkak të e

theksuara më lart, por përkundër saj rezultati dhe suksesi nuk kishite munguar. Në Bllokun B2 për muajin qershor kishim tejkalim të planit për 16 për qind, pra kishim një realizim prej 116 për qindësh të planit të prodhimit. Kjo ishte vërtet një sukses i mirë, sepse ta tejkalosh prodhimin në këto kushte nuk është edhe aq lehtë. Për më tepër, jemi në pritje që edhe për muajin korrik të kemi rezultate të mira në prodhim si dhe tejkalim të planit. Deri më tani nuk kemi ndonjë problem, por shpresojmë se rezultatet do të përbushen sipas planit. Nuk mundem pa i falënderuar të gjithë punëtorët që ishin angazhuar gjatë kësaj kohe, por



edhe stafin udhëheqës të tyre që nuk kursyen mundin dhe djersën për të arritur rezultatet e lartcekura. Së bashku do të

vazhdojmë drejt sukseseve të tjera", ka deklaruar Jonuz Saraçi, ushtrues detyre i drejtorit ekzekutiv në TC 'Kosova B'.

## KRU 'Prishtina' shton kontrollet, has në shumë kyçje ilegale



PRISHTINË, 16 KORRIK (ER) - Kompania Rajonale e Ujësjellësit "Prishtina" ka njoftuar të gjithë konsumatorët në zonën e shërbimit, Prishtinë, Fushë-Kosovë, Lipjan, Podujevë, Obiliq, Shtime, Drenas dhe Graçanicë, se me komisione të veçanta është duke vazhduar identifikimin dhe kontrollimin e të gjitha zonave të shërbimit, për gjetjen e kyçjeve ilegale në sistemin e rrjetit të ujësjellësit, manipulimeve me ujëmatës

dhe keqpërdorimeve të formave të tjera. Sipas KRU 'Prishtina', vetëm në muajin e fundit janë kontrolluar shumë zona, derisa janë identifikuar një numër i konsiderueshëm i konsumatorëve të cilët kanë manipuluar me ujëmatës. "Sipas Kodit Penal të Republikës së Kosovës - Kodi Nr. 06 / L - 074, Neni 314, konsiderohet vepër penale çfarëdo manipulimi apo vjedhje që përfshihet edhe shërbimi me ujë. Në kuadër të

reduktimit të humbjeve të ujit, inspektorët po vazhdojnë me veprime konkrete në terren. Në të njëjtën kohë, kërkojmë nga konsumatorët që të realizojnë pagesa për shërbimet e ujësjellësit dhe kanalizimit, po ashtu mundësia e lehtë për kryerjen e shërbimeve ende vazhdon, si riprogramimi i borxheve të akumuluar për shërbimet (me këste mujore 12-36 muaj) varësisht nga shuma totale e borxhit", thuhet në komunikatën e KRU 'Prishtina'.

## BQK-ja shpall konkursin për çmimin 'Ekonomistët e rinj'

Prishtinë, 16 korrik (ER) - Në funksion të nxitjes së hulumtimeve mes ekonomistëve të rinj të Kosovës, Banka Qendrore e Republikës së Kosovës (BQK) ka krijuar mundësinë e dhënies së një çmimi për studimin më të mirë të paraqitur nga ekonomistët e rinj. Punimet për këtë çmim duhet të

jenë në fushën e sektorit financiar dhe zhvillimit ekonomik në Kosovë, me theks të veçantë duke iu përshtatur rrethanave të reja të krijuara gjatë vitit 2020 në vend dhe ekonominë botërore. Duke vlerësuar rëndësinë e rrethanave të krijuara nga Covid-19, kësaj radhe tema që duhet të shtjellohet është

"Ekonomia e Kosovës në kohë pandemie, ndikimet e Covid-19 në ekonominë vendore dhe ndërkombëtare". Lidhur me këtë, BQK-ja do të organizojë një ngjarje të veçantë për shpalljen e punimeve më të mira të dorëzuara. BQK-ja në uebfaqen e vet ka paraqitur rregullat që duhen ndjekur për këtë konkurs.




## Banka Botërore mbështet ministrin Reçica për reformat e ndërmarra

PRISHTINË, 16 KORRIK (ER) - Ministri i Punës dhe Mirëqenies Sociale, Skënder Reçica, të enjten ka zhvilluar një takim virtual me drejtorin e ri të Bankës Botërore për Kosovë, Massimiliano Paolucci, me të cilin ka diskutuar lidhur me situatën e krijuar ekonomike dhe sociale në vendin tonë si pasojë e

pandemisë Covid-19. Reçica e ka njoftuar drejtorin e ri të Bankës Botërore për Kosovën për reformat e ndërmarra nga Ministria e Punës dhe Mirëqenies Sociale, me theks të veçantë reformën pensionale dhe vazhdimin e reformës së asistencës sociale, për të cilat edhe ka marrë përkrahjen e

plotë nga ai. Gjatë këtij takimi virtual, i pari i MPMS-së e ka falënderuar drejtorin e ri të BB-së për mbështetjen e madhe që ndër vite Banka Botërore i ka dhënë shtetit tonë dhe tani që po vazhdon të japë kontributin e saj në funksion të rimëkëmbjes ekonomike pas përhapjes së pandemisë.





## Në muajin qershor 'Kosova B' ka realizuar planin e prodhimit me 116 për qind

**EPOKA E RE** Albulena S. MAVRAJ

PRISHTINË, 16 KORRIK - Korporata Energjetike e Kosovës (KEK) ka njoftuar se, pavarësisht prej situatës së rënduar në gjithë vendin, e krijuar si pasojë e pandemisë Covid-19, me angazhimin maksimal të menaxhmentit dhe punëtorëve TC 'Kosova B', ka arritur që me sukses të jashtëzakonshëm ta përmbyllë muajin qershor me një realizim të planit të prodhimit prej 116 përqindësh. Në këtë drejtim, u. d. i drejtorit ekzekutiv në TC 'Kosova B', Jonuz Saraçi, ka thënë se më 31 maj 2020 ka filluar riparimi dyzetditor i Bllokut B1. "Sipas

planit, fillimi i punës së Bllokut B1 ka qenë i paraparë të ndodhë më 11 korrik 2020, mirëpo pas një riorganizimi të mirë të punës dhe pas një angazhimi të shtuar të punëtorëve, përkundër pandemisë dhe problemeve përcjellëse, kemi arritur që riparimin ta përfundojmë për 26 orë më herët sesa që ishte planifikuar", është shprehur ai.

Ai më tutje ka shtuar se, krahas punës në B1, ku shumica e punëtorëve ishin të angazhuar, sfidë tjetër përbënte edhe angazhimi në mirëmbajtjen dhe operimin në Bllokun B2. "Kushtet në të cilat punëtorët punonin vërtet ishin të rënduara, për shkak të e

theksuara më lart, por përkundër saj rezultati dhe suksesi nuk kishite munguar. Në Bllokun B2 për muajin qershor kishim tejkalim të planit për 16 për qind, pra kishim një realizim prej 116 përqindësh të planit të prodhimit. Kjo ishte vërtet një sukses i mirë, sepse ta tejkalosh prodhimin në këto kushte nuk është edhe aq lehtë. Për më tepër, jemi në pritje që edhe për muajin korrik të kemi rezultate të mira në prodhim si dhe tejkalim të planit. Deri më tani nuk kemi ndonjë problem, por shpresojmë se rezultatet do të përbushen sipas planit. Nuk mundem pa i falënderuar të gjithë punëtorët që ishin angazhuar gjatë kësaj kohe, por



edhe stafin udhëheqës të tyre që nuk kursyen mundin dhe djersën për të arritur rezultatet e lartcekura. Së bashku do të

vazhdojmë drejt sukseseve të tjera", ka deklaruar Jonuz Saraçi, ushtrues detyre i drejtorit ekzekutiv në TC 'Kosova B'.

## KRU 'Prishtina' shton kontrollet, has në shumë kyçje ilegale



PRISHTINË, 16 KORRIK (ER) - Kompania Rajonale e Ujësjellësit "Prishtina" ka njoftuar të gjithë konsumatorët në zonën e shërbimit, Prishtinë, Fushë-Kosovë, Lipjan, Podujevë, Obiliq, Shtime, Drenas dhe Graçanicë, se me komisione të veçanta është duke vazhduar identifikimin dhe kontrollimin e të gjitha zonave të shërbimit, për gjetjen e kyçjeve ilegale në sistemin e rrjetit të ujësjellësit, manipulimeve me ujëmatës

dhe keqpërdorimeve të formave të tjera. Sipas KRU 'Prishtina', vetëm në muajin e fundit janë kontrolluar shumë zona, derisa janë identifikuar një numër i konsiderueshëm i konsumatorëve të cilët kanë manipuluar me ujëmatës. "Sipas Kodit Penal të Republikës së Kosovës - Kodi Nr. 06 / L - 074, Neni 314, konsiderohet vepër penale çfarëdo manipulimi apo vjedhje që përfshihet edhe shërbimi me ujë. Në kuadër të

reduktimit të humbjeve të ujit, inspektorët po vazhdojnë me veprime konkrete në terren. Në të njëjtën kohë, kërkojmë nga konsumatorët që të realizojnë pagesa për shërbimet e ujësjellësit dhe kanalizimit, po ashtu mundësia e lehtë për kryerjen e shërbimeve ende vazhdon, si riprogramimi i borxheve të akumuluar për shërbimet (me këste mujore 12-36 muaj) varësisht nga shuma totale e borxhit", thuhet në komunikatën e KRU 'Prishtina'.

## BQK-ja shpall konkursin për çmimin 'Ekonomistët e rinj'

Prishtinë, 16 korrik (ER) - Në funksion të nxitjes së hulumtimeve mes ekonomistëve të rinj të Kosovës, Banka Qendrore e Republikës së Kosovës (BQK) ka krijuar mundësinë e dhënies së një çmimi për studimin më të mirë të paraqitur nga ekonomistët e rinj. Punimet për këtë çmim duhet të

jenë në fushën e sektorit financiar dhe zhvillimit ekonomik në Kosovë, me theks të veçantë duke iu përshtatur rrethanave të reja të krijuara gjatë vitit 2020 në vend dhe ekonominë botërore. Duke vlerësuar rëndësinë e rrethanave të krijuara nga Covid-19, kësaj radhe tema që duhet të shtjellohet është

"Ekonomia e Kosovës në kohë pandemie, ndikimet e Covid-19 në ekonominë vendore dhe ndërkombëtare". Lidhur me këtë, BQK-ja do të organizojë një ngjarje të veçantë për shpalljen e punimeve më të mira të dorëzuara. BQK-ja në uebfaqen e vet ka paraqitur rregullat që duhen ndjekur për këtë konkurs.




## Banka Botërore mbështet ministrin Reçica për reformat e ndërmarra

PRISHTINË, 16 KORRIK (ER) - Ministri i Punës dhe Mirëqenies Sociale, Skënder Reçica, të enjten ka zhvilluar një takim virtual me drejtorin e ri të Bankës Botërore për Kosovë, Massimiliano Paolucci, me të cilin ka diskutuar lidhur me situatën e krijuar ekonomike dhe sociale në vendin tonë si pasojë e

pandemisë Covid-19. Reçica e ka njoftuar drejtorin e ri të Bankës Botërore për Kosovë për reformat e ndërmarra nga Ministria e Punës dhe Mirëqenies Sociale, me theks të veçantë reformën pensionale dhe vazhdimin e reformës së asistencës sociale, për të cilat edhe ka marrë përkrahjen e

plotë nga ai. Gjatë këtij takimi virtual, i pari i MPMS-së e ka falënderuar drejtorin e ri të BB-së për mbështetjen e madhe që ndër vite Banka Botërore i ka dhënë shtetit tonë dhe tani që po vazhdon të japë kontributin e saj në funksion të rimëkëmbjes ekonomike pas përhapjes së pandemisë.





# Pas bllokimit të xhirollogarive, ministri Kuçi takoi bordin, menaxhmentin dhe Sindikatën e Telekomit

EPOKA  
ERE **Albulena S. MAVRAJ**

PRISHTINË, 16 KORRIK - Ministri i Ekonomisë dhe Ambientit, Blerim Kuçi, ka pritur të enjten në takim informues dhe raportues bordin, menaxhmentin dhe Sindikatën e Telekomit të Kosovës. Temë bosht e takimit të tyre ishte gjendja e krijuar së fundi në Telekomin e Kosovës, pas bllokimit të xhirollogarive bankare nga përmbaruesi privat.

Ministri Kuçi ka kërkuar nga drejtuesit e organeve të Telekomit që të raportojnë në tërësi për rrjedhën e këtij rasti dhe për hapat që janë ndjekur në secilën fazë. Gjithashtu, nga menaxhmenti u kërkuar të raportohet për performancën e tanishme të kësaj ndërmarrje publike.

Përpos diskutimit, ministri ka kërkuar nga bordi i ndërmarrjes që të propozojnë rekomandime për dalje nga gjendja e bllokimit të xhirollogarive bankare dhe për vazhdimin tutje të funksionimit të ndërmarrjes. Ndërsa Sindikatës së Telekomit i ka thënë se bashkëndiejnë me punëtorët, të cilët janë të shqetësuar për situatën, pikërisht në këtë kohë pandemie.

Ministri Kuçi përsëri është zotuar se me të gjitha mundësitë ekzistuese do të bëhet zgjidhja më e mirë. E pas takimit, ka reaguuar bordi i përkohshëm i drejtorëve të Telekomit të Kosovës Sh. A. lidhur me bllokimin e llogarive bankare të TK-së. Ai ka kërkuar nga institucionet që të gjendet një rrugëdalje nga kjo situatë. “Ky bllokim i llogarive bankare ka ndodhur si rrjedhojë e arbitrazhit të humbur në vitin 2016 ndaj ‘Dardafon.net’ L.L.C., e njohur për opinionin publik edhe si ‘Z-Mobile’. Në takim ne e shprehëm shqetësimin tonë lidhur me këtë emergjencë në të cilën ndodhet Telekomu dhe kërkuam mbështetjen e Ministrisë për daljen nga kjo situatë, me të vetmin qëllim për ta evituar bllokimin e Telekomit me pasojë të pariparueshme si për ekonominë e Republikës së Kosovës, po ashtu edhe interesat kombëtare”, thuhet në komunikatën e bordit të Telekomit. “Ne si bord i përkohshëm, që nga emërimi në këtë detyrë, kemi ndërmarrë hapa dhe vendime konkrete të cilat kanë ndikuar sadopak në përmirësimin e gjendjes së rëndë të përgjithshme në të cilën ndodhet Telekomu. Sa i përket procesit në lidhje me bllokimin e llogarive bankare, ju sigurojmë se nga ana e



Telekomit është ndërmarrë çdo hap i mundshëm, megjithatë bllokimi i llogarive është rrjedhojë e problemit të krijuar para shumë viteve dhe i paevituar. Ne anëtarët e bordit i kemi shteruar të gjitha veprimet konkrete në këtë drejtim në baza të përgjegjësisë dhe detyrave fiduciare që na janë ngarkuar. Për këtë arsye, si

të vetmen mundësi për të dalë nga kjo situatë e shohim përfshirjen e aksionarit. Në takimin e sotëm ne hasëm në përkrahjen e ministrit Kuçi dhe u siguroam që Ministria dhe Kuçi do t'i ndërmarrin të gjitha hapat dhe veprimet konkrete për të dalë nga kjo situatë e cila është alarmante, duke kontribuar që të shpëtohet

Telekomu i Kosovës Sh. A. I sigurojmë qytetarët e Republikës së Kosovës, se bordi është duke punuar ngushtë me menaxhmentin e Telekomit të Kosovës, aksionarin dhe çdo organ tjetër kompetent në mënyrë që ta tejkalojmë sa më shpejt këtë situatë”, është theksuar në komunikatën e bordit të Telekomit.

## Ministri Krasniqi sheh nga afër zbatimin e masave kundër Covidit

PRISHTINË, 16 KORRIK (ER) - Ministri i Tregtisë dhe Industrisë (MTI), Vesel Krasniqi, së bashku me kryeinspektorin Lulzim Sylja, kanë vizituar disa biznese për ta parë nga afër zbatimin e masave kundër Covid-19, si dhe me sfidat me të cilat po përballen bizneset gjatë pandemisë.

Ministri ka kërkuar nga bizneset të tregohen të kujdesshme për zbatimin e masave. “Ne dolëm për të parë se sa bizneset tona po i respektojnë këto masa. Ne kemi rritur inspektimet në tërë vendin dhe në tërë komunat. Pas heqjes totale të masave dhe pas kthimit të tyre ka qenë një vështirësi me të cilën inspektorati ynë është përballur. Ka pasur probleme, janë shqiptuar edhe gjoba, por tani ajo që po shohim është se inspektorët

kanë bërë një punë të madhe”, ka deklaruar ministri.

Ministri Krasniqi është interesuar edhe për cilësinë e ushqimit, në veçanti për produktet e qumështit, pas ankesave që ka marrë nga shoqata të ndryshme të kësaj fushe. “Disa takime që i kam pasur me shoqata të ndryshme kanë shprehur shqetësimet e tyre për cilësinë e disa produkteve të importuara, prandaj ne jemi këtu, bashkë me ekspertë të fushave, për t'i parë cilësinë dhe sasinë. Kemi thënë në fillim që fokus kryesor do të jetë mbrojtja e prodhuesve vendorë dhe konsumatorët”, ka thënë ministri Krasniqi, i cili ka shprehur kënaqësi për respektimin e masave si dhe për renditjen e ushqimeve dhe për vendosjen e flamujve të origjinës së produkteve.





## Nis rregullimi i rrugës 23-kilometërshe Pleshinë - Kashtanjevë

**FERIZAJ, 16 KORRIK (ER)** - Komuna e Ferizajt ka bërë me dije se ka nisur rregullimi i rrugës 23-kilometërshe Pleshinë - Kashtanjevë, e cila konsiderohet arterie e rëndësishme rrugore e turistike që lidh këtë komunë me atë të Shtërpcës.

Për t'i ndjekur nga afër punimet në këtë projekt, ka dalë edhe kryetari i Ferizajt, Agim Aliu, nënkryetari i komunës, drejtorët komunalë si dhe financuesja e këtij projekti, Ministria e Infrastrukturës, konkretisht zëvendësministri Xhavit Zariqi.

Për këtë projekt, drejtori i Urbanizimit dhe Mjedisit, Lulzim Aliu, ka thënë se është investim strategjik, tejet i rëndësishëm, që lidh dhe zhvillon dy komuna. "Është një prej projekteve të rëndësishme të komunës që po realizohet në bashkëpunim me Ministrinë e Infrastrukturës. Ky projekt realizon shumë qëllime të komunës, së pari e lidh Ferizajin me Shtërpcën, bile i afrohet edhe Suharekës në bazë të projektit. Është një projekt 23-kilometërshe dhe ka synim zhvillimin e bujqësisë dhe blegtorisë. E afon Kashtanjevën

shumë afër Ferizajt. Duke u bazuar në faktin që në Ferizaj jetojnë shumë banorë të Kashtanjevës, për kashtanjevësit ky është një projekt shumë i rëndësishëm, edhe për faktin e ndikimit në turizëm", ka thënë drejtori Aliu.

Falënderues për këtë projekt janë shprehur edhe banorët e Pleshinës. Kryetari i këtij fshati, Sabedin Mustafa, ka thënë se ky është një projekt i qëlluar që do ta rrisë vlerën e kësaj zone dhe të krijojë mundësi të reja për banorët. Ky projekt pritet të realizohet brenda tre vjetëve dhe kap vlerën e 3.5 milionë eurove.



## Komuna e Fushë-Kosovës, memorandum mirëkuptimi për menaxhimin e mbeturinave



**FUSHË-KOSOVË, 16 KORRIK (ER)** - Komuna e Fushë-Kosovës, e përfaqësuar nga kryetari i saj, Burim Berisha, ka lidhur një memorandum të mirëkuptimit me Deutsche Gesellschaft für Internationale Zusammenarbeit (GIZ) GmbH dhe Organizatën Joqeveritare Green Art Center-Prishtina (GAC) për implementimin e projektit në fushën e menaxhimit të qëndrueshëm të mbeturinave.

Memorandumi i mirëkuptimit përcakton termat për mirëkuptimin, bashkëpunimin dhe bashkëfinancimin midis Deutsche Gesellschaft für Internationale Zusammenarbeit

(GIZ) GmbH, Komunës së Fushë-Kosovës dhe Organizatës Joqeveritare Green Art Center - Prishtina (GAC), lidhur me projektin "Pilotimi i kompostimit në shtëpi në 6 komuna të Kosovës".

GIZ-i është i obliguar që ta mbështesë Komunën e Fushë-Kosovës, si fituese e projektit, me infrastrukturë 266 komposterë shtëpiakë dhe asistencë teknike gjatë implementimit të projektit. Ndërsa Komuna e Fushë-Kosovës, po ashtu, është e obliguar ta implementojë dhe bashkëfinancojë në partneritet me GIZ-in projektin "Pilotimi i kompostimit në shtëpi në 6

komunat e Kosovës" në përputhje me vetë kontributin e premtuar më parë në shumë prej 4 000 eurove.

Në anën tjetër, Green Art Center - Prishtina (GAC), si organizatë mbështetëse e kontraktuar nga GIZ-i, është e obliguar t'i ofrojë komunës mbështetje teknike gjatë implementimit të projektit "Pilotimi i kompostimit shtëpiak në 6 komuna të Kosovës". Ky memorandum do të hyjë në fuqi pas nënshkrimit nga përfaqësuesit e GIZ-it, GAC-it dhe Komunës së Fushë-Kosovës derisa të përfundojë implementimi në pajtueshmëri me të gjitha palët kontraktuale.

## Brenda dy muajve Skenderaj bëhet me fontanë moderne

**SKENDERAJ, 16 KORRIK (ER)** - Komuna e Skenderajt ka bërë me dije se brenda dy muajve në parkun "Idriz Rreci" do të ndërtohet një fontanë moderne. "Qytetit tonë historik brenda dy muajve do t'i shtohet edhe një projekt kreativ dhe shumë i rëndësishëm për nevojat e qytetarëve të Skenderajt dhe rrethinës. Një çezme publike, me fontanë moderne, e vendosur në parkun 'Idriz Rreci', një

hapësirë atraksioni për banorët dhe vizitorët që vizitojnë qytetin tonë. I projektuar dhe trajtuar edhe në aspektin historik dhe mjedisor, ku qytetarët, përveç që do të shërbehen me ujë, si burim i jetës, ata mund ta shfrytëzojnë atë edhe si hapësirë rekreative", ka njoftuar komuna e Skenderajt.

Kjo komunë ka theksuar se i tërë ky projekt është dhuratë (donacion) nga humanisti dhe miku i

Skenderajt, Sali Ajdini nga Gostivari, kurse projekti është dizajnuar dy studentë të arkitekturës, Ibrahim Zabeli dhe Elion Ismajli. Me këtë rast, kryetari i Skenderajt, Bekim Jashari, ka falënderuar humanistin Ajdini për financimin e këtij projekti. "Në emër të qytetarëve të komunës sonë, falënderoj mikun tim, Sali Ajdini, për financimin e këtij projekti në qytetin tonë", ka thënë Jashari.



## Komuna e Drenasit vazhdon aktivitetet për largimin e deponive ilegale



**DRENAS, 16 KORRIK (ER)** - Komuna e Drenasit, përkatësisht Drejtoria e Shërbimeve Publike dhe Emergjencës, është duke vazhduar aktivitetet për largimin e deponive ilegale nga territori i kësaj komune. Këtë herë kjo drejtori ka vazhduar largimin e deponisë të pishat, afër lag-

jes "Nishori" në Komoran. "U bëjmë thirrje të gjithë qytetarët, që mbeturinat inerte t'i dërgojnë në deponinë inerte në Llapushnik, me qëllim që t'i ruajmë hapësirat e gjelbëruara. Kjo deponi është caktuar nga Komuna e Drenasit për hedhjen e mbeturinave inerte nga qytetarët,

në mënyrë që të parandalohet krijimi i deponive ilegale me përmbajtje inerte. Mënyra më e mirë për ta parandaluar pandeminë është mbrojtja e natyrës për një të ardhme të shëndetshme. Këto aktivitete do të vazhdojnë edhe në ditët në vijim", ka njoftuar komuna e Drenasit.



# ÇFARË KËRKON EVROPA NËPËRMJET ZOTËRI MARTYT? (9)



**Shkruan: Kudusi LAMA**

Çfarë kërkon zotëri Marty? Ai ka mundësi të jetë edhe i drejtë, por nuk ka dëshirë të jetë i tillë. Nuk dua të besoj se ai është politikan laborator, që nuk kupton se si lëviz shoqëria njerëzore jashtë laboratorit të tij. Nuk kanë humbur vetëm serbë, kanë humbur dhjetë mijë herë më shumë shqiptarë. Siç duket, shqiptarët e humbur serbët i kanë marrë për t'ua ngrënë mishin e bluar kockat. E kjo nuk është problem për zotërin Marty, ndërsa shqiptarët i paskan marrë për t'ua grabitur disa organe jetësore. Kjo është shumë problem për zotërin Marty. Çuditërisht nuk kanë të sosur. Sa mbaron një çudi, lind një e dytë.

Ka mundësi që nëse do të dalë edhe pas 50 vjetësh se dikush bën një veprimtari të paligjshme, do t'ia lidhin kokën në kohën e luftës. Kështu ndodhi edhe me një të quajtur klinikë "Medikus" në Prishtinë, që doli diku nga viti 2008, se ishte krijuar për transplantime dhe kishte brenda punës së vet veprimtari kriminal, ku u aludua se udhëheqësit e Luftës Çlirimtare të Kosovës duhet të ishin njohur "patjetër" me pronarët e kësaj klinike që në kohën e luftës në mënyrë të fshehtë. Këto janë absurditetet, që me të drejtë duhet të përbuzen e nuk duhet të merremi me ta. Por, ja që po na bëjnë dem kombëtarisht e po na krijojnë probleme në arenën ndërkombëtare e kombëtare. Për këtë, duhet të ndalemi e t'i analizojmë këto ndodhi, për ta sqaruar sadopak opinionin për të vërtetën e këtij akti.

Duke shfletuar lajmet e kohës, pas daljes publike të raportit të Dick Martyt, kam lexuar se: "Gjykatësi i Bashkimit Evropian, Victor Paradal, ka kryesuar të enjten seancën dëgjimore për konfirmimin e akuzave të ngritura kundër shtatë kosovarëve, të dyshuar se janë pjesë e një rrjeti ndërkombëtar të përfshirë në trafikimin e organeve njerëzore. Në seancën që u mbajt në Gjykatën e Qarkut në Prishtinë, prokurori i BE-së, Jonathan Ratel, ka thënë se "njerëz të varfër ishin sjellë në Kosovë nga vendet e jashtme, me premtime të rrejshme për të marrë pagesa për veshkat e tyre, organe këto

të cilat pastaj u janë shitur pranuesve për transplantime të paligjshme".

Ratel ka thënë se mjeku turk Yusuf Sonmez "ka qenë i përfshirë dhe është pjesëmarrësi kyç në operacionet" që janë bërë në një klinikë private në periferi të Prishtinës, e cila mban emrin "Medikus".

Marrë në internet (<http://www.telegrafi.com/?id=2&a=12208>)

Është interesant fakti që nëse ka një veprimtari të tillë antiligjore, në Kosovë, siç ka edhe në gjithë vendet e tjera të Evropës e të botës, pse duhet të dilet politikisht në përfundime që nuk dilet juridikisht? A mban përgjegjësi ky njeri për atë që ka thënë? Si mund të vihet në bankën e akuzës ky njeri që mashtron duke hedhur baltë mbi një komb të tërë e gjithë historinë e tij?

Çfarë kërkon zoti Marty? A ka ai ndonjë farë ndjenje për vlerën e shqiptarëve? Çfarë ka studiuar deri tani për shqiptarët dhe historinë e tyre? A ka gjetur ky zotëri në kërkimet e tij që luftëtarët e UÇK-së të kenë vrarë ose zhdukur fëmijë, gra, pleq e plaka, të sëmurë nëpër spitale, qytetarë në rrugë etj? Po, janë vrarë ushtarë, pra janë vrarë burra, lufta zotëri Marty bëhet nga burrat e ata në luftë edhe vriten. Në luftë nuk bëhet dashuri, aty vriten njerëz luftëtarë në të dy anët e frontit. Unë e di se Serbia është në agresion të pandërprerë kundër Kosovës e gjithë trojeve shqiptare. Por, pse, zotëri Marty të jetë luftëtar i këtij agresioni, këtë unë nuk arrij ta kuptoj. Thuhet që le të hapet debat për këtë temë, mirë është, sepse do të ndërjegjësoheshin ata që duan të ndërjegjësohen se kjo shpifje është e pavërtetë. Ne jemi shqiptarë, edhe atë që na ka vrarë djalin e vetëm kur na ka ardhur në shtëpi e kemi marrë në mbrojtje. Kurrë nuk ka ndodhur ndër shqiptarë me marrë njerëz të gjallë, sado armiq e me i vra tinëzisht në shtëpinë tonë e në tokën tonë. Ky është një akt ligjor-zakonor që prej lashtësisë për shqiptarët. Edhe pa dashje kur ka vrarë një njeri në shtëpi të vet, shqiptari e ka braktisur atë shtëpi se nuk ka jetuar dot bashkë me gjakun e njeriut të derdhur në vatrën e tij. Ndërsa sot jemi në vlerësimet e zotëri Martyt që po na ngatërron, po na ndynë, po na akuzon, për të përbaltur jo vetëm një fragment historik lavdie kombëtare, por gjithë traditën e këtij kombi.

Kjo çështje dihet që do të hulumtohet dhe do të kërkohet ballafaqimi me argumente për

ta vërtetuar akuzën. Dhe shqiptarët institucionalisht janë deklaruar si popull i qytetëruar, se janë të gatshëm t'i nënshtrohen çdo hetimi ndërkombëtar. Për këtë edhe pa hezitim u pranua edhe ajo gjykatë ndërkombëtare që ka për mision ta njollojë UÇK-në. Por, a do të përfillen argumentet? Mbetet të shihet. Megjithatë shqiptarët duhet të kenë bindjen se djemtë e Luftës së Lavdishme Çlirimtare të Kosovës, sado të akuzohen do të dalin të pafajshëm, gjykata dhe të gjithë ata që fshihen pas saj do ta njollosin veten. Askush nuk do të mund të na nëpërkëmbë zakonet tona që na kanë sjellë udhëve të shekujve krenarë.

Megjithëse zakonisht, praktika

mirë, se sido që të vijë puna, shpifjet e tij do të mbeten në agjendë të politikës evropiane për këtë periudhë të gjatë. Për këtë edhe lind pyetja: çfarë kërkonte të arrinte zotëri Marty? Një pyetje që as prej këtij zotërie vetë nuk mund të marrë përgjigje morale. Ajo mund të marrë vetëm një përgjigje të pa moralshme, që ka të bëjë me justifikime, apo shprehje dashurie për shqiptarët siç ka bërë edhe ky zotëri, për hatër të të cilëve është i gatshëm të bëjë sakrificën më të madhe e të përpiket t'u njollojë historinë e t'u nëpërkëmbë lavdinë.

Qëllimi im nuk është t'i mbushi mendjen botës se zotëri Marty shpifi. Se këtë ata e dinë shumë mirë të gjithë. Por t'u them shqiptarëve që të mos



ka treguar se sado që të ketë të vërteta, shpifja, në opinionin e gjerë publik dhe politik, është shumë e fuqishme. Ajo nuk shlyhet lehtë në opinion, pavarësisht se shlyhet ligjërisht. Ka raste kur një individ vihet nën akuzë si terrorist, por faktet tregojnë se ai nuk ka asnjë lidhje me akuzën e ngritur. Gjykata i jep pafajësinë, mund të marrë edhe dëmshepërblime, por në opinionin publik dhe politik ai mbetet një "terrorist", a këtë po tentojnë të arrijnë akuzuesit me të akuzuarit prej tyre të luftëtarëve të UÇK-së? Më duket se po.

Po duhet ditur se, kur bëhet fjalë për përmasa të tilla, ku luhet me historinë e një kombi? Këtu çështja është shumë delikate. Këtu përpjekja duhet të jetë maksimale e të gjithë shqiptarëve për të vërtetën dhe të drejtën, pasi akuzuesit shkojnë me mendimin se: as që mund të mendohet, se do të ketë një pastrim të këtyre situatave, të mbingarkuara politikisht me shpifje nga më të rëndat, që i bëri me raportin e tij famëkeq zotëri Marty në emër të Evropës.

Zotëri Marty e ka ditur shumë

vazhdojnë të marrin ngarkesa të tilla morale nga njerëz të tillë, që kanë marrë përsipër të bëjnë rolin e megafonit të armikut, megafonit të Serbisë, në kushtet e pasluftës, kur asaj i duhet më shumë se kurrë.

Por shqiptarët duhet të kenë një bindje që koha do ta vërtetojë kur kjo gjykatë të dështojë. Kjo bindje duhet të jetë që: periudha e krenarisë së tyre, epopeja e UÇK-së, është e dëlirë. Për këtë duhet të kenë bindje. Koha do ta vërtetojë këtë që u them.

Dihet që Serbia ka për qëllim të bëjë propagandë të shfrenuar për formimin e opinionit sa më negativ ndërkombëtar për shqiptarët dhe gjithë historinë dhe veprimtarinë e tyre. Dihet që të gjitha fajet e saj kërkon t'i eksportojë tek shqiptarët. Por kemi një histori të freskët krimesh të tyre, që është e dukshme për të gjithë ata që kanë sy e veshë. Pse pra nuk kanë dëshirë të shikojnë e të dëgjojnë të gjithë ata organe e organizata ndërkombëtare që kanë fuqi të marrim vendime, që ngrënë në këmbë një kundër shqiptarë të deklaruar si zotëri

Marty? Çfarë kërkon ai kur të gjithë e njohin kundër shqiptarizmin e tij? Ku ka dëshirë të arrijë? A mos me ndërjegjëje i bën deklarata të tilla? Nëse është kjo e fundit, ai meriton t'i kërkohet llogari. Realisht të tjerët si zoti Marty me akuzat e shpifjeve, ndërsa ne me qytetari nuk ka balancim të të drejtës. Prandaj, nëse ky zotëri akuzon pa të drejtë, ne e kemi për detyrë t'i kërkohet atij të japë llogari deri në një për çdo fjalë që nxjerr nga goja. Ne nuk duhet të pranojmë edhe megafonët serbë nëpër Evropë, vetën pse ne duhet të sillemi si të kulturuar duke duruar marrëzinë. Duke menduar ne se nuk duhet reaguuar për efekte kulture, bota po merr si të mirëqena shpifjet. Në raste të tilla nuk ka vlerë as qetësia prej të pafajshmi, as injorimi i shpifjes së neveritshme, ka vlerë e vërteta, do të cilën ne duhet të ndalemi e të mos lëshojmë pe. E vërteta nuk mund të jetë gjithnjë në anën e të fuqishmit. Ajo duhet të jetë me të drejtën dhe të pafajshmin.

Para disa kohësh kam shkëputur nga një shkrim këtë citim: "Nëse do të analizoheshin të gjitha shtrembërimet, shpifjet e botuara, të lexuara, të thëna takime kokë më kokë, sekrete apo publike, do të shihte se kundër nesh Serbia ka nisur një fushatë, që ka efektet e një agresioni. Faktori serb në këtë periudhë e vazhdon luftën kundër shqiptarëve me mjete tjera. Vazhdimi i kësaj politike, të një lufte të ftohtë, dëshmon se ata kanë qëllime të njëmendta armiqësore. Sa jemi të vetëdijshëm për këtë kanosje? Do të thosha me zhgënjim, aspak!"

Prandaj do të thosha se qëndrimet dhe veprimet me vlerësimet individuale të Martyt janë absurde, por të marra seriozisht nga organizatat evropiane dhe segmentet e ndryshme të klaneve proserbe ato bëhen shumë të dëmshme. Çfarë kërkon pra zotëri Marty? Kjo është e pakuptueshme për mua. Nuk arrij të arsyetoj një veprim të tillë, kur kam parasysh një njeri të shkolluar, që pretendon se është funksionar evropian, që flet në emër të Evropës, që pretendon se ka një vizion qytetarie, që ka mundësi të bëjë vepra të mira, por që me deklaratimet dhe qëndrimet e shpifjet për të krijuar mostra shqiptare, kur realisht shqiptarët janë bërë viktima deri në ekstrem, nuk mund të gjendet arsye tjetër veçse të jetë i paguar i Serbisë, për ta rritur zërin e shpifjeve të saj. (Vijon)



## Nga java e ardhshme, Franca e bën të detyrueshme veshjen e maskës



Paris, 16 korrik - Kryeministri i Francës, Jean Castex, ka thënë se nga java e ardhshme veshja e maskave në ambiente të mbyllura do të jetë e detyrueshme si masë për frenimin e përhapjes së koronavirusit. Një ditë më herët, presidenti i Francës, Emmanuel Macron, ka deklaruar se ky detyrim do të hyjë në fuqi nga 1 gushti. Por, Castex i ka thënë të enjten

Senatit francez se afati është zhvendosur përpara, pas sugjerimeve se guasti mund të jetë vonë. Në rajonin veriperëndimor të Francës, Majene, urdhri hyn në fuqi prej sot, për shkak të shqetësimeve për rritjen e numrit të rasteve me koronavirus. Deri më tani, në Francë, veshja e maskës ka qenë e obligueshme në transport

publik dhe aty ku distanca fizike ka qenë e pamundur. Franca është në mesin e vendeve më të prekura në Evropë nga koronavirusi. Mbi 210 000 njerëz janë infektuar atje, ndërsa mbi 30 000 kanë vdekur. Në gjithë botën, koronavirusi ka prekur mbi 13.5 milionë njerëz. Prej këtyre, mbi 584 000 kanë vdekur, ndërsa mbi 7.5 milionë janë shëruar.

## Trumpi e zëvendëson menaxherin e fushatës

WASHINGTON, 16 KORRIK - Përballë një beteje të ashpër rizgjedhjeje, presidenti i Shteteve të Bashkuara, Donald Trump, e zëvendësoi menaxherin e tij të fushatës zgjedhore. Trump ka thënë se në vend të Brad Parscale do të vijë Bill Stepien, i cili ka qenë drejtor në terren i fushatës zgjedhore të Trumpit në vitin 2016. Parscale, i cili thuhet se u fajësua nga rrethi i brendshëm i Trumpit për një tubim me pak njerëz në Oklahoma, muajin e kaluar do të qëndrojë si këshilltar i lartë. Sondazhet e opinionit tregojnë se Trump qëndron pas kundërshtarit demokrat, Joe Biden, në prag të zgjedhjeve presidenciale të nëntorit. "Brad Parscale, i cili ka qenë me mua për një kohë shumë të gjatë dhe ka udhëhequr strategjitë tona të jashtëzakonshme digjitale dhe

të të dhënave, do të mbetet në atë rol, duke qenë këshilltar i lartë i fushatës", ka shkruar Trump në "Facebook". Parscale thuhet se është marginalizuar javën e fundit për shkak të dështimit të një tubimi zgjedhor në Tulsa të Oklahomas. Vajza e presidentit, Ivanka Trump, dhe burri i saj, Jared Kushner, të dy këshilltarë të Shtëpisë së Bardhë, raportohet se e kanë fajësuar Parscalen për dështimin. Parscale ka thënë se më shumë se një milion njerëz janë regjistruar për të marrë pjesë në tubim por, sipas Departamentit Lokal të Zjarrit, tubimi është ndjekur nga më pak se 6 200 veta. Pas tubimit, Parscale ka fajësuar një portë të bllokuar të sigurisë, protestuesit dhe mediat për pjesëmarrjen zhgënjyese.



## Fauci pret që ShBA-ja ta ketë vaksinën kundër koronavirusit në fund të 2020-s

NJU JORK, 16 KORRIK - Drejtori i Institutit Kombëtar të Shteteve të Bashkuara për Alergjia dhe Sëmundje Infektive, Anthony Fauci, ka thënë se pret që ShBA-ja ta ketë vaksinën kundër koronavirusit deri në fund të këtij viti. "Ndihej mirë me orarin e parashikuar", ka thënë Fauci për agjencinë e lajmeve "Reuters". Komentet e tij pasojnë të dhënat premtuese të fazës së hershme të testimit të një vaksine nga kompania bioteknike amerikane, "Moderna". Vaksina, që është zhvilluar nga shkencëtarët e institutit që udhëheq Fauci, pritet të hyjë në fazën përfundimtare të testimit në fund të këtij muaji. Fauci ka theksuar se rezultatet e



"Modernas" janë veçanërisht premtuese, sepse vaksina duket se ofron llojin e mbrojtjes që shihet në një infeksion natyral. "Një nga gjërat që shpresoni është që vaksina juaj të ketë një përgjigje që mund të krahasohet me një infeksion natyral sepse, teorikisht, vaksina më e mirë që

ndoshta mund të krijoni ndonjëherë, është infeksioni natyral", është shprehur Fauci. Fauci ka deklaruar se nuk është i shqetësuar me idenë se Kina mund ta sigurojë vaksinën më parë. "Nuk do ta ketë shumë më shpejt se ne. Kjo është e sigurt", ka thënë Fauci.

## Ekonomia e Kinës i kthehet rritjes, shmang recesionin

PEKIN, 16 KORRIK - Ekonomia e Kinës u rrit në tremujorin e dytë të këtij viti, pas rënies së thellë në çerekun paraprak. Byroja Kombëtare e Statistikave ka njoftuar ltë enjten se ekonomia e dytë më e madhe në botë është rritur për 3.2 për qind në periudhën prill-qershor, duke i hedhur poshtë pritjet e analistëve për 2.5 për qind rritje. Rritja pason tkurrjen për 6.8 për qind në tremujorin e parë, kur Kina është bërë vendi i parë në botë që është goditur nga pandemia e koronavirusit. Me shifrat e fundit, Kina shmang hyrjen në recesion teknik, i cili ndodh pas dy periudhave të



njëpasnjëshme të rritjes negative. Kina, në masë të madhe, e ka frenuar përhapjen e koronavirusit dhe i ka lehtësuar masat e izolimit gjatë dy muajve të kaluar, por ekonomia vazhdon të rimëkëmbet ngadalë, përkundër hapave të politikëbërësve për ta rritur stimulimin.

## Banka Qendrore Evropiane u kërkon udhëheqësve të veprojnë urgjent në ekonomi

FRANKFURT, 16 KORRIK - Banka Qendrore Evropiane (BQE) u ka kërkuar liderëve evropianë ta ndihmojnë ekonominë duke gjetur pajtim për një fond që do t'i mbështeste rajonet më të

goditura nga pandemia e Covid-19. Presidentja e BQE-së, Christine Lagarde, ka thënë se "një përpjekje ambicioze dhe e koordinuar" nga qeveritë

"mbetet kritike". Të premtën drejtuesit evropianë do të diskutojnë një plan të përbashkët për rimëkëmbjen pas pandemisë. Komisioni Evropian ka

propozuar një fond të rimëkëmbjes prej 750 miliardë eurosh. Por, ka mosmarrëveshje mes vendeve anëtare se çfarë kushtesh duhen plotësuar për të pasur qasje në këtë fond.







# ANNOUNCING THE 2017 QUALITY & SALES AWARDS

## Quality & Sales Award Recipients

[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Gaseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comércio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol CJSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales







# Identifikimi traumatik i kohës në novelën ‘Katundi me gjuhë të fshehtë’ të Martin Camajt

Nga: Agron TUFA

## PREMISË

Koha dhe gjuha janë dy nga polet më të fuqishme që mpiksin universin letrar të Martin Camajt. Edhe kryetema e Camajt, në krejt krijimtarinë e tij, është fati i frymorit në vorbullën e kohës, fati i qenies efemere përballë kohës, apo më saktë, habia se çfarë është në gjendje të bëjë koha me njeriun. Një kredo që do t'i shkonte më përshtat një filozofi se sa një shkrimtari, por që Camaj e shpërnguli këtë diskurs në veprën letrare nëpërmjet imazhit të njeriut të vetmuar, ishullor, edhe në metropolet e zhurmshme të qyteteve të Evropës. Nga kjo pikëpamje, teza e hedhur ku përvjedhtazi në shtyp e ku me gjysmëzëri “nën banakun” e rretheve shkencore e letrare se krijimtaria e Camajt “është disi jashtë mode, rurale”, shpreh ose moskuptim t’pashpresë, ose ligësi të përlogaritur.

Në novelën e Camajt “Katundi me gjuhë të fshehtë”, ndryshe nga poezitë dhe prozat e tjera të tij, ndeshemi me përjetimin e kohës si kategori psikotraumatike. “E fshehta/fshehtësia” si dominante në këtë novelë lejon

shfaqjen e parabolës së një udhëtimit dhe bujtjeje në viset e vdekjes dhe kthimin prej andej me një vetëdije të traumatizuar dhe të shprishur mbi rrjedhën racionale të kohës, të njohur në filozofinë dhe shkencat evropiane si “shigjeta e kohës”. “Fshehtësia” në novelën e Camajt aq sa lejon të shfaqet, po aq mbështjell me mjegull shenjat e përvijimit dhe zbardhjes së saj. Në këtë “fshehtësi” lejohet përgjysmë të shfaqet ideja ciklike (karakteristike për mitin) e kohës – nga shtatori në shtator-kohë që përkon me kthimin e vazhdueshëm të personazhit në të njëjtin plazh bregdetar. Nga ana tjetër, kemi fshehjen e saktësimiit kalendarik të kohës (viti), çka do t'i jepte kohës karakter linear.

Në dikotomitë “e fshehtë/ e dukshme” – e fshehtë mbetet hapësira, toposi i papërcaktuar i ngjarjes (një plazh diku buzë detit Jon), katundi i papërcaktuar mbas majëmalit, për të cilin dinë shumë gjëra përveç emrit të tij, disi krejt në frymën e prozave të Franc Kafkës. Mandej kemi emrat e e papërcaktuar të personazheve dhe identitetet e tyre (i huaji, vendasi).- Të dukshëm na jepen kuvendimet fantazmagorike të heroit me shembëlltyrën e rigjetur, Florën, një ish e

dashur e tij e para njëzet vjetësh, të cilën e ndesh sapo shkel në katundin misterioz. Të dukshme janë dy kategori-simbole në novelë: Gjuha (e fshehtë) dhe Koha (e fetishizuar, pas përvijës së bujtjes te vdekja).

Ne do të përpiqemi të analizojmë përjetimin e traumatizuar të kohës në novelë, në rreke për të kërkuar “gjuhën e fshehtë”, duke e parë përjetimin e kohës në këndvështrimin psiko-mitologjik, përvijimin e simboleve mitike në përvijën e traumës. Duke iu referuar K. L-Strosit se “miti është një makinë për shkatërrimin e kohës”, analiza jonë do të përqendrohet në kërkimin alegorik të rrënjëve të identitetit të kallura në kategoritë e gjuhës dhe kohës, si dhe përpjekjen e tendosur të qenies së njeriut vetmitar për t'i rezistuar karakterit dezintegruar të ndarjes nga gjuha e tij.

## “ATJE... MAS... FLASIN SI JU”

Novela nis me shprehjen: “Ata atje nalt flasin si ju” dhe kur heroi i narracionit gjendet mes atij vendi iluzor, ku pritet të “flasin si ai”, flet me shembëlltyrën e dashurisë së tij të rinisë: “Kaq me randësi qenka për ty kjo rrethanë, me u marrë vesh

në gjuhën e djepit?”

“Ashtë pak me thanë e djepit: e tamblit të gjiut! Çdo fjalë e saj përçohet si nëpër tejza të një athtie magjepsëse në veshë dhe më zgjon në qenien time ndija kuptimi të vetvetes e të botës mbarë. Nuk më zen besë?”

Fraza e parë e novelës me të cilën vendasi i huaj i drejtohet heroit – “Atje nalt flasin si ju” – na fut menjëherë në një fushë të polarizuar kuptimore. Më së paku kjo fjali e parë e ndërgjegjëson lexuesin se protagonist i qendror i rrëfimit a) është i huaj, b) ndodhet i prerë nga mjedisi i gjuhës amtare dhe c) (më vonë, pasi njihemi me veprimtarinë e tij si mbledhës i relikteve shpirtërore të emigruesve) – ai e gjurmon gjuhën e tij si një relik të rrallë etnografik. Personazhet e rrëfimit njihen turbull. Përveç të huajit, është vendasi i parë me të cilin i huaji takohet çdo shtator në atë gji bregdeti jonik ku e ka bërë traditë të kalojë pushimet.

## “MBAS MAJE”...

Që në faqet e para të tekstit protagonistin e rrëfimit, përkundër vrojtimit të hollë dhe një aftësie analitike, e shoqëron pasiguria e kujtesës e deri diku, njëfarë déjà vu-je e papërcaktuar. Nuk ka

emër, por jepet në tekst na jepet “i huaji”. I huaj në lidhje me kë? Për dy vendasit ai ka vetëm përshypjen se dikund janë takuar, por kjo është vetëmse hamendje e pasigurt. I huaji është më i pasigurt se dy vendasit, të cilët duket se e mbajnë mend më mirë atë, meqenëse çdo shtator i kujtojnë atij se “Mbas asaj maje flasin si ju”. Më vonë, nga fundi i rrëfimit sqarohet edhe më fort rrethana, ku del se dy vendasit, i pari prej të cilëve tani identifikohet me emrin e vet (Sandri), e njohin mirë të huajin, sepse njëri sosh thotë:

“Ky asht një gjurmues”, ndërhyri Sandri “dhe pati ardhë për të mbledhë landë mbi emigrimin e banorëve nga vendet pasive, ndër male, në shmang. Ky thoshte se donte me u përnjësue me ata që lanë vendlindjen e mandej kthejnë përsëri. Im kushri e unë e kemi përcjellë gjithkund ndër ato katunde gjysmë të lëshueme, thellë ndër male”. Pra, del se i pasigurtë në kujtesën e vet është vetëm i huaji.

Përveç pasigurisë së identiteteve të personazheve, e pasigurtë dhe e tretur ndër aluzione është biseda që ata bëjnë, e pasigurtë është vendndodhja e fshatit të fshehur pas majës së malit, pasi prej bregdetit shihet në majë



vetëmse antena e televizorit; e pasigurtë është hamendja mbi gjuhën e supozuar që flet ai katund. I pasigurt është vetë i huaji, i cili dyshon se dy vendasit që qëndrojnë në tavolina të ndryshme, kanë ardhë aty kinse për ta ndeshë rastësisht. Duket se uji i detit dhe koha e plazhit e thellojnë këtë pasiguri, ngase personazhi qendror, i huaji, nuk është në gjendje të ndërmendë asgjë të sigurtë. Ndërdyshjen e thekson edhe motivimi i tij, fakti i përsëritur për të ardhur çdo shtator në këtë gjë deti jugor. Ai i thotë vendasit të dytë (i cili përton me marrë udhën për tek katundi ku mendohet se flitet gjuha e tij, ngase thotë se ka ardhë në det dhe s'i duket "aspak e arsyeshme për me marrë malet"). Por i huaji i thotë: "Për t'u la në det paske ardhë këtu? Në shtator, kur uji e moti ftohen! Me të thanë të vërtetën, unë s'di pse vij në këtë kohë këndej; kush e di, në fund të zemrës rrekem gjithnjë me mendimin që ta bjerë puna me u ngjite te katundi ku u flitka një gjuhë që unë e kuptuakam".

Edhe motivi pse i huaji vjen çdo shtator në këto ujëra, kur moti nuk është i përshtatshëm për plazh, mbetet i paqartë, i fshehtë. Duket se stihia e ujit të ftohtë dhe motit të turbullt nuk sqarojnë, por thellojnë ndërdyshjen, pasigurinë e kujtesës. Vetmia e të huajit që vjen fillikat buzë detit çdo shtator me kujtesë të bjerrur, të sjell ndërmend ujin mitik të Letës, që shplan kujtesën.

Megjithatë, megjithë këto pasiguri, ekziston një këmbëngulje e madhe për t'iu ngjitur Majës pas së cilës ndodhet katundi me gjuhë të fshehtë dhe është vendasi i pari që merr vendimin për t'iu ngjitur majës, megjithë përtacinë dhe kinse përtesën e vendasit të dytë. Vendasit i parë i mëshon këmbënguljes së vet me lutjen:

"Hajt, mos ma prishni! Ky – tha tue shënue kah i huaji – kush e di a ka për të pasë një rast të tillë në jetë të ndërrojë katër o pesë fjali me ata që flasin si ai".

Novela do të kishte patur një efekt artistik më të fuqishëm, nëse enigma e bujtjes së të huajit, në katundin me gjuhë si e tij, të mos ishte sqaruar në fund të tekstit prej gjellëbamësit.

Misteri që mëtohet të mbërrihet në novelë është ekzistenca e një katundi që fliska si protagonistit i rrëfimit, i yshtur, përkrahur dhe i ndihmuar prej dy vendasve. I gjithë udhëtimi dhe, në përgjithësi veprimi, i ngjan një situatë ëndrrë apo gjendjeje somnambul. Duket se i vetmi motiv i dy vendasve për ta shpënë të huajin në katundin misterioz, jepet kur njëri prej tyre thotë:

"Se ai, – e tregoi me gisht shokun – edhe unë mjaft dëshiroj me të ndëgjue si ti flet me ata, atje!", por, paradoksalisht, prej po këtij motivi vendasit heq dorë kur makina mbërrin në majën nga ku

duket fshati:

"Pse nuk po vini me mue?"

"S'jam kurreshtar me ditë si flitni. Mandej jam i bindun se sikur të vij me ju, ju pengoj në kuvendim..."

### ISH-E DASHURA ËSHTË GJUHA

Vizitori i huaj ka hyrë tashmë në katund, pamja e të cilit përshkruhet nën zhegun e mesditës pa frymë njeriu dhe me dritare të mbylluna. Protagonisti është gati në të kthyer, "sikur të mos ishte dukë në një ballkon guri gruaja e veshur në zi, me një shall ngjyrë të blerë të mbyllët krahëve. Kjo çoi dorën e përshendetit, tue buzëqeshë, burrin të cilit iu kujtue fytyra dhe kryekreje gazi në buzët e saj".

Protagonisti ka takuar papritmas ish të dashurën e vet të viteve studentore, Florën, tashmë një grua e vetmuar, me gjasë, vejushë. Pjesa me madhe e rrëfimit të novelës përshkruan bujtjen e të huajit, deri në mbrëmje, në shtëpinë e ish të dashurës së djalërisë, e cila është larguar një ditë papritmas, pa i dhënë lamtumirë. Pjesa e dytë e novelës i përngjet një epilogu, ku personazhi kthehet në të njëjtën kohë, në të njëjtin bregdet, pas dhjetë vitesh, por që në vetëdijen e tij janë reduktuar në tre vite. Kjo është, si të thuash, edhe pjesa sqaruese dhe balafaquese në lidhje me iluzionin e bujtjes në një katund që nuk ekziston dhe e përjetimit të ngadalësuar të kohës.

Protagonisti i novelës "Katundi me gjuhë të fshehtë", i huaji, na paraqitet me çrregullime kujtese, déjà vu dhe kujtime të rreme. Vektori i përjetimit të kohës së tij, nga është e kthyer dhe vetëdija dhe veprimtaria e tij – është e shkuara, sikundërse është dhe profesioni me të cilin merret – gjurmues i relikteve në zonat e braktisura nga emigrantët. Një prej problemeve qendrore në përvetësimin e Dialogut të tij me Botën është pamundësia për t'iu gjendur në kohën e tashme, duke e kredhur atë psikologjikisht kah e shkuara. Pësia rënduese e të shkuarës, vetmia dhe nostalgjia ushtrojnë një trysni tëhuajësuese të subjektit përjetues në të gjithë personazhet e Camajt. I huaji i novelës "Katundi..." është një emigrant i prerë nga mjedisi dhe gjuha amtare, prandaj metafora e kërkuesit të relikteve, është një imazh i afërt e autobiografik i njeriut që përjeton ankthin e përhershëm të nostalgjisë, duke shpresuar se koha do ta shndërojë qenien ose në mjellmë, ose në narciz. Ky udhëtim i ankthshëm fytyrëkthyer nga e shkuara rreh të rizbulojë veten, aq sa i shmanget të tashmes ishullore.

### NJË ODISE TE KALIPSOJA

Heroi i novelës "Katundi...", i huaji, shndërrohet në një Odise në kërkim të rizbulimit të dësh-

mive të vetvetes së kërcënuar me harresë. "Malli, dëshirë e përjetës/ e jo mallëngjimi, gurgull frymëshkurtë/ e joshi Uliksin me kthye i kulluem/ atje kah ishte nisë", thotë Camaj në poezinë "Çka i duhej Uliksit Itaka pa grue". Dhe një rol të tillë në novelë, të gjurmimit të Itakës së vet, është për protagonistin e rrëfimit Gjuha. Malli për një takim me gjuhën amtare e motivon udhëtimin e tij në Katundin ku thuhej se flisnin si ai. Por kjo Itakë e gjuhës së fshehtë në katundin iluzor i shfaqet në trajtën e fantazmës së ish të dashurës, me të cilën është ndarë pa lamtumirë, në rrethana jashtë vullnetit të tij. Ky Odise në kërkim të gjuhës, sapo zhgënjehet nga pamja e ish të dashurës, e ndjen veten të ngujuar, ashtu si Uliksi në siujdhesën e nimfës Kalipso. Meqenëse zhduket iluzioni se në atë katund ka njerëz që flasin si ai, atëherë dhe qëndrimi i tij bëhet i përdhunshëm. "I zhgënjyer rrinte

ndërdyash përpara derës së hapun të grues që quhej Flora, para një labirinti apo hymje burgu, mbas dënimi shumëvjeçar". Gjatë përshkrimit të banesës ka analogji që të ndërmendin shpellën e Kalipsosë. Por tashmë pa gjuhën, kjo është një Kalipso e rënë nga vakti, pa asgjë magjike që mban rininë e përjetshme. Ajo nuk është më Kalipsoja e parë, Flora me shtatin e hollë si nepërkë, që qëndronte e fshehur pas kurtinës së tejpashme dhe përgatiste ilaçet që i hiqnin atij dhimbjet e kokës. Ajo është një Florë e vyshkur, pa efektin magjik të barnave.

Kjo fantazmë Kalipsoje s'ka më asgjë me se ta mahnisë Odiseun e saj, e lë të ikë. I huaji largohet nën dritën e hënës, duke e lënë prapa fshatin e çuditshëm pa banorë të tjerë. Protagonistit nuk i kujtohen 7 vjet kohë (aq sa pati qëndruar i ngujuar edhe Odisea në siujdhesën e Kalipsosë), pas përvojës së kësaj

bujtjeje, i cila na sqarohet se ka ardhë si traumë automobilistike gjatë rrugës për në Katundin "ku flasin si ai".

Këmbimi i gjuhës me ish të dashurën dhe mandej zhgënjimi i dyfishtë, prej të dyjave, ka sjellë në vetëdijen e personazhit "kundërshtimin e kujtesës" për shtatë vjet, një çrregullim të përjetimit linear të kohës:

"A je ti apo hija e atij që po kujtoj unë? – e pyeti (vendasit).

"Ti je ai që na pate lanë në rrugë mua e atë... atë që drejtonte makinën. Tash po më kujtohesh edhe ti! Sandër, të quejnë ty."


"Mbas dhjetë vjetësh të ra ndër-mend!..."

"Në kohë po gabohesh: s'janë dhjetë, por tri..."

I huaji nuk don të zërë besë, por më në fund, nën dëshmitë e të tjerëve në restorant, gjendet si heroi i Niçes: "Kujtesa ime pohon, se unë e kam bërë këtë: krenaria ime thotë, jo nuk e kam bërë; në fund të fundit, kujtesa ime dorëzohet".







**EURO GLASS**  
SAINT-GOBAIN SEKURIT PILKINGTON  
Enveri  
Adr: Fushë Kosovë  
Mob: 044 10 20 10 / 049 145 336  
E-mail: euro.glass@live.com



**QENDRA SPORTIVE  
'BUJQËSIA'  
TEL: 045/82 82 82**

## Do të shqyrtohet mundësia për riaktivizimin e të gjitha sporteve

Ministrja Vlora Dumoshi ka thënë se MKRS-ja së bashku me MSh-në dhe IKShPK-në do ta shqyrtojnë mundësinë për riaktivizimin e të gjitha sporteve, duke pasur parasysh që të gjithë sportistët po ballafaqohen me vështirësi për t'i zhvilluar aktivitetet e tyre

### "Epoka e re"

PRISHTINË, 16 KORRIK - Ministrja e Kulturës, Rinisë dhe Sportit, Vlora Dumoshi, ka pritur në takim drejtuesit e Federatës të Bodybuildingut dhe Fitnesit të Kosovës dhe Përfaqësuesit e Palestrave Private Sportive të Fitneseve të Kosovës, me të cilët ka diskutuar për shqetësimet e të gjitha klubeve të Bodibildingut dhe Fitnesit lidhur me ndërprerjen e punës së tyre për shkak të pandemisë.

Ministrja Dumoshi i ka informuar të pranishmit për sfidat me të cilat po ballafaqohet

vendi për shkak të pandemisë dhe u ka premtuar mysafirëve që në bashkëpunim me Ministrin e Shëndetësisë dhe me Institutin Kombëtar të Shëndetësisë Publike të Kosovës (IKShPK-në) do ta shqyrtojnë mundësinë për riaktivizimin e të gjitha sporteve, duke pasur parasysh se të gjithë sportistët po ballafaqohen me vështirësi për t'i zhvilluar aktivitetet e tyre.

Ministrja Dumoshi ka thënë se do të kërkojë që varësisht nga kapacitetet dhe rekomandimet e Institutit, të rishqyrtohet çështja e kërkesave që përfaqësuesit e fitneseve parashtruan, sepse edhe federata dhe klube të tjera



### Ministrja Dumoshi vizitimi i Fushë-Kosovës

Ministrja Vlora Dumoshi, e shoqëruar nga zëvendësministri Halil Matoshi, të enjten e kanë vizituar Komunën e Fushë-Kosovës, për t'i inspektuar investimet që MKRS-ja po bën në këtë komunë. Ministrja Dumoshi e zëvendësministri Matoshi janë pritur nga kryetari i Fushë-Kosovës, Burim Berisha. "Drejtuesit e ministrisë dhe të komunës inspektuan vendin në të cilin pritet të ndërtohet palestra e sportit, afër Pishave të Sllatinës. MKRS-ja investon në çdo komunë, siç është duke investuar edhe në komunën e Fushë-Kosovës. E kemi palestrën sportive, projekt në të cilin së shpejti do të fillojnë punimet", ka thënë Dumoshi.

sportive, siç janë klubet e notit, që kanë të njëjtat kërkesa, por që vendimarrjen e kanë në dorë Ministria e Shëndetësisë dhe IKShPK-ja. "Jam e vetëdijshme që të gjitha federatat po kalojnë një fazë të vështirë në këtë kohë, për shkak të pandemisë, por ne si ministri dhe unë personalisht si ministere do të angazhohem që t'i adresoj shqetësimet dhe kërkesat e juaja te ministri i

Shëndetësisë", ka thënë ministrja Dumoshi.

Ndërkaq drejtuesit e federatave e falënderuan ministrin Dumoshi dhe stafin e MKRS-së për punën dhe përkrahjen që po japin për sportin. Ata e informuan ministrin për shqetësimet e tyre si dhe për planet e synimet që kanë pas riaktivizimit, kur institucionet relevante e lejojnë një gjë të tillë.

## Kamerolli: Motiv të luftojmë për 12-shën më të mirë të Kosovës

PRISHTINË, 16 KORRIK - Ëndrra e shumë lojtareve të reja, por edhe atyre me përvojë, është bërë realitet. Kosova për herë të parë do të paraqitet me Përfaqësuesen A në konkurrencën e femrave në garat ndërkombëtare. Kosova pritet të marrë pjesë në FIBA Kampionatin Evropian të Shteteve të Vogla që do të organizohet në vitin e ardhshëm në Nicosia të Qipros prej 15 deri



më 20 qershor. Një nga basketbollistët më të talentuar në Kosovë është Enisa Kamerolli. Ajo i është gëzuar lajmit që

Kosova A është formuar dhe do të luajë në arenën ndërkombëtare. "Formimi i Përfaqësueses A për herë të parë është diçka që e mirëpresin të gjitha gjeneratat. Është motiv edhe për gjeneratat e reja të luftojmë për 12-shën më të mirë si dhe të luajmë së bashku me lojtaret më me përvojë. Kjo do të jetë një ndihmë e madhe për ne. Unë këtë ide e vlerësoj shumë nga ana e Federatës së

Basketbollit të Kosovës. Ashtu si edhe për bashkëlojtaret e mia, është një ëndërr e bërë realitet", ka thënë Kamerolli për faqen zyrtare të FBK-së.

Në FIBA Kampionatin Evropian për Shtetet e Vogla - Femrat në vitin 2020 janë paraqitur për të garuar: Andorra, Qipro, Gjibraltari, Irlanda, Luksemburgu, Malta dhe Norvegjia, por që është anuluar

për shkak të pandemisë Covid-19. Regjistrimi i shteteve për pjesëmarrje në FIBA Kampionate Evropiane në FIBA Europe do të bëhet si zakonisht, pra ndërmjet muajve shtator/tetor 2020. FIBA Evropa ka kërkuar nga të gjitha federatat nacionale që t'i regjistrojnë ekipet e tyre për vitin 2021, pasi regjistrimet e paraqitura për vitin 2020 nuk do të merren parasysh.

## Khudistët rezultojnë negativë në testin për Covid-19

PEJE, 16 KORRIK - Ekipi i khudos i Kosovës është testuar për Covid-19 të mërkurën dhe të gjithë khudistët kanë rezultuar negativë. Lajmin e ka bërë me dije trajneri i Përfaqësueses së Kosovës në Xhudo, Driton Kuka. Ekipi ka udhëtuar në Poreç të

Kroacisë në stërvitje të përbashkëta me reprezentuesit e Kroacisë dhe Sllovenisë. "Ekipi ynë elitare të mërkurën u testua dhe që të gjithë dolën negativë. Tashmë kemi udhëtuar në stërvitje të përbashkëta me reprezentuesit kroatë e sllovenë

në Poreç të Kroacisë. Ishte kënaqësi bashkëpunimi me profesorin e nderuar Naser Ramadani, i cili është në krye të heronjve mantelbardhë që po përballen në vijën e parë të frontit kundër pandemisë. Falënderim i veçantë për dr.

Adnora Nurboja, udhëheqëse dhe stafit nga Peja për testimet. Me njerëz si ju Kosova do t'ia dalë edhe kësaj sfide. T'i përkrahim këta heronj me kujdes të shtuar, t'i ruajmë familjet tona, miqtë tanë dhe popullin e Kosovës", ka thënë Kuka.



### Dënohen Prishtina, Dallku dhe Bekaj

PRISHTINË, 16 KORRIK - Komisioni Disiplinor i Shkallës së Parë në Federatën e Futbollit të Kosovës ka marrë vendime për ndeshjen e

shumëpërfolur në mes të Gjiolanit dhe Prishtinës. Klubi i Prishtinës, për sjellje dhe veprime të gabuara të stafit të klubit, pas përfundimit të

ndeshjes ndaj Gjilanit, për dëmtimin e inventarit në zhyshoret në të cilat ishin të vendosur mysafirët, dënohet me 1500 euro. Trajneri Armend

Dallku, për manifestim të sjelljeve jospportive (tentimsulmi në gjyqtarin kryesor), pas përfundimit të ndeshjes dënohet me 500 euro. Portieri Visar Bekaj

për kartonin e kuq është dënuar me dy ndeshje. Ai pritet të mungojë edhe në takimin e radhës që Prishtina e zhvillon si mysafire ndaj Ballkanit.



## Rashica refuzon Liverpoolin dhe Milanin për Leipzigun

**BREMEN, 16 QERSHOR** - Menaxheri i futbollistit të njohur të Kosovës, Milot Rashica dhe ish-futbollisti i shquar i Kombëtares së Shqipërisë, Altin Lala, pranoi se RB Leipzig i përshtatet më

së miri stilit të lojës së 24-vjeçarit. Për "Deustube", Lala shtoi se RB Leipzig është një klub i aftë t'i bëjë lojtarët më të zotë. Sipas "Sport Bild", Rashica ka refuzuar Milanin dhe

Liverpoolin dhe dëshiron të luajë për skuadrën e njohur gjermane. "RB Leipzig është një klub interesant. Trajneri dhe stili i tyre i lojës i përshtatet shumë mirë Milotit. Përveç

kësaj, ata janë një klub që i përmirësojnë futbollistët", u shpreh Lala. Werder Bremeni pranon ta shesë mesfushorin me tipare sulmuese për jo më pak se 20 milionë euro.



## Ambasadori Heldt: FFK-ja duhet të punojë për avancimin e futbollit




**PRISHTINË, 16 KORRIK (ER)** - Ambasadori gjerman në Kosovë, Christian Heldt, me rastin e përfundimit të mandatit të tij në vendin tonë, ka pritur sot kryetarin e Federatës së Futbollit të Kosovës, Agim Ademi dhe sekretarin e Përgjithshëm, Eroll Salihu. Sipas njoftimit të FFK-së, Heldt e ka përgëzuar Ademin për punën e mirë që ka bërë në krye të Federatës së Futbollit, teksa ka theksuar se Përfunduesja e Kosovës me paraqitjet e treguara e ka bërë atë fans të saj. "Ambasadori gjerman inkurajoi kryetarin

Ademi dhe sekretarin e Përgjithshëm Salihu që ta vazhdojnë punën e mirë dhe avancimin e futbollit në Kosovë. Ndërkaq, Ademi e falënderoi ambasadorin Heldt për përkrahje dhe për qëndrimin e tij të drejtë dhe bashkëpunues, ashtu siç janë edhe marrëdhëniet me DFB-në, ku Rainer Milkoreit është edhe ambasador nderi i Kosovës dhe përgjegjës për Kosovën në DFB", thuhet në njoftimin e FFK-së. Kryetari Ademi e falënderoi edhe shtetin gjerman dhe DFB-në që mundësojnë

funksimin e Federatës së Futbollit Shqiptar në Gjermani dhe klubeve shqiptare atje, teksa përmendi edhe komunitetin tonë atje dhe talentet e shumta dhe familjet e tyre që bëjnë gjithçka për ta lartësuar emrin e Kosovës. Ademi bëri me dije, po ashtu, se FFK-ja ka nënshkruar kontratë bashkëpunimi edhe me Unionin e Biznesit Shqiptar në Gjermani, derisa një mbështetje të vazhdueshme e ka pasur nga përfaqësuesit e FFK-së, Ruzhdi Statovci me FFKShGj, vëllezërit Shoshi dhe Fekmi Kongjeli.

## Federeri: Wimbledonit më mungon shumë, rikthehem vitin tjetër

**CYRIH, 16 KORRIK** - Roger Federeri pranon se të mos luajë në grand slam të Wimbledonit këtë vit e ka mërzi shumë. Ky është turneu i tij i preferuar, aty ku zvicerani ka triumfuar tetë herë në karrierën e tij, ndërkohë që në total ka fituar 20 grand slam. Gjithsesi, koronavirusi bëri që organizatorët e turneut londinez ta anulonjë atë, ndërsa vetë Rogeri të "dorëzohet", duke zhvilluar një operacion të dytë. Numri katër në botë pritet të rikthehet në fushë në janar të 2021-shit. "E pranoj që Wimbledonit më mungon shumë. Për këtë arsye po punoj fort, që të jem aty vitin tjetër. Unë po rikuperoj dhe shpresoj në janar të jem gati. Në Wimbledon kam



shumë kujtime dhe dua t'i përjetoj sërish vitin tjetër", ka thënë tenisti zviceran. "Kam ende një rrugëtim të gjatë deri në rikthimin në fushë, por gjërat po ecin mirë. Nuk dua të

nxitohem, kam kohë, ndërkohë që deri në janar situata mund të ndryshojë sërish. Ndaj dua të jem gati për vitin tjetër", ka deklaruar Federeri.

### SHKURT

#### Hulku planifikon të rikthehet në Brazil

Pas pesë vjetësh në futbollin kinez, sulmuesi 33-vjeçar Hulk po përgatit largimin nga Shanghai Sigg. Futbollisti brazilian i ka idetë e qarta për të ardhmen dhe ua ka bërë të qartë drejtuesve që nuk do ta rinovojë kontratën që skadon në dhjetor të këtij viti. Kampionati kinez pritet të rinisë më 25 korrik dhe Hulk do të luajë në muajt e fundit me fanellën e ekipit të Shanghai. Sipas mediave braziliane, lojtari synon të rikthehet në vendlindje, ku ka disa oferta, por bisedimet konkrete kanë qenë me skuadrën e Sao Paolos.

#### Sanchezi kushton 20 milionë euro

Manchester Unitedi e ka informuar Interin se do ta mendojë shitjen e Alexis Sanchezit vetëm për një shumë rreth 20 milionë euro. Sanchez ka filluar ta gjejë formën e vjetër në Inter, pasi e ka shënuar një gol dhe i ka dhuruar pesë asistime në shtatë paraqitje pas pandemisë. Sipas "Gazzetta dello Sport", 31-vjeçari ka bërë mjaftueshëm për ta fituar qëndrimin e përherëshëm në Inter. Megjithatë, e përditshmja italiane paralajmëron se Unitedi nuk do të pranojë ta lejojë kilianin në huazim edhe për një vit tjetër, sepse dëshiron ta shesë përfundimisht. Çmimi që e kërkon gjiganti anglez është 20 milionë euro.

#### Porto fiton titullin e 29-të në Portugali

Porto ka siguruar titullin e 29-të në histori të klubit, duke e fituar betejën e gjatë kundër Benficas. Ish-mbrojtësi i Real Madrid, Pepe, ka festuar titullin e dytë në tre vjetët e fundit në Portugali, falë fitores 2:0 ndaj Sporting Lisbonës. Danilo Pereira dhe Moussa Marega shënuan për fitoren e Portos në këtë përballje. "Ky ekip duhet të përgëzohet për atë që ka bërë, dhe jo vetëm në këtë ndeshje", ka deklaruar Pepe. "Sportingu ka qenë në formë shumë të mirë, por ne dinim si t'i eliminonim pikat e tij të forta. Ky është fundi i një pune të madhe", ka shtuar ai.

#### Torresi zëvendëson Sanen në City

Ferran Torres është një nga lojtarët më të rëndësishëm të Valencias që do të largohen këtë verë nga skuadra. Drejtuesit parashikojnë një revolucion me shumë prurje dhe largime të mëdha. Pep Guardiola e shikon si zëvendësuesin e Sanes, të larguar drejt Bayernit dhe ka marrë miratimin e lojtarit për ta transferuar në Premierë Ligë. 20-vjeçari nuk ka pranuar ta rinovojë kontratën që skadon vitin tjetër ndaj dhe Valencias është e detyruar ta shesë 30-40 milionë euro pavarësisht klauzolës prej 100 milionë eurosh të lojtarit.

#### Fury, Wilderit: Po bëhem gati për ty 'lëpirës'

Kampioni i botës në peshën e rëndë, boksieri britanik Tyson Fury, ka deklaruar se i është rikthyer palestrës me një qëllim të vetëm: ta mposhtë sërish amerikanin Deontay Wilder. Dy boksierët pritet të zhvillojnë në dhjetor sfidën e tretë mes tyre (sfida e parë u mbyll barazim dhe në të dytën triumfoi Fury). Edhe Wilderit është duke u stërvitur dhe rikuperuar pas operacionit, por kohët e fundit ka vendosur të mos japë intervista. Duket se ai ka nevojë për t'u motivuar para sfidës së tretë me Fury. Wilderit mori një goditje të rëndë në duelin e fundit me Fury, kur pësoi humbjen e parë në karrierën e tij. "Bronze Bomber, po vij për ty lëpirës", ka qenë komenti i Furyt në rrjetet sociale, duke iu drejtuar boksierit amerikan me nofkën e tij. Gjasat janë që kjo përballje e tretë të zhvillohet më 19 dhjetor, por ende nuk është konfirmuar vendi i saktë. Situata e krijuar nga koronavirusi ka lënë ende mjaft dilemë për këtë përballje.





<b>Autor: GAZMEND MORINA</b>	BIMË BARISHTORE QË KA VLERA TË MËDHA USHQIMORE	QULL I TRASHË ME MIELL MISRI	QYTET NË ITALI	MJET I MADH LUNDRIMI (shq.)	PJESA E ERRËT E DITËS	ZANORE	PËR MË TEPËR, MADJE	<b>EPOKA ERE</b>	KRYEQYTETI EVROPIAN I MODËS	QË U PËRKET PARAARDHËSVE TONA	GAZETË QË BOTOHET NË SHQIPËRI
ENË QELQI E RRUMBULLAKËT SI SHISHE, PO ME GRYKË TË GJERË E ME KAPAK								AKTORI HOLLIVUDIAN BRED ... BASHKËT.			
FUSHA KU ZHVILLOHET NJË PËRLESHJE						JETËSHKRIM ZANORE					
GJË E RRALLË E ME VLERË (Lat.)								VIJË E HAPUR NGA UJËRAT E SHIRAVE FUTBOLLISTI ÇEK BAROSH			
KRAHINË NË KOSOVË						DRAMË E SANTORIT E SPËRKAT ME UJË					
FILMI I PARË SHQIP						MUZIKANTI PRESHEVA (shq.) HIT NGA GRUPI "NRG BAND"					BASKETBOLLISTI YNË EDMOND
						DY BASHKËTINGËLLORE DHELPARAK		PORTIERI ILION ... SHTEGTARE			
GOCA	TELEVIZORI KONTROLLUES	ISMET RAMUSHI	KËNGËTARJA E FAMSHME ... ROSS KËNGËTARJA AMERIKANE ... KIM						EDA ZARI KËNGËTARJA KANADEZE MORISSET		

<b>EPOKA ERE</b>	KËNGËTARJA ANGLEZE NË FOTO	DËMTIM I NJË MAKINE GJATË KOHËS SË PUNËS	SKENARISTI JETON .....	JO I VJETËR	<b>EPOKA ERE</b>	KANDËRR E VOGËL ME NGJYRË TË ZEZË "MOLDE"						ESTONIA ZANORE
ISH AKTORI PALLASKA	○				AKTORI ADRIAN FLETË LËTRË PËR DUHAN					BASHKËT. KOHË E NDARË PËR PUNË	KUNDREJT MJERË ZENEL OSMANI	
KLUBI I FUTBOLLIT ANGLEZ	○					NOTË MUZIKORE EMËR MASHKULLI TURK			GJELBËRIMI NË NATYRË TRAJNERI GJERMAN REHAGEL			ISTRES SHKRIMTARI ... SHEHU (shq.)
PAJTUESHMËRIA (krah.) BUKURIA, HIJESHIA (krah.)	○				PËREMËR PRONOR ZANORE	VARG NJE-RËZISH NË VIJË TË DREJTË (shq.) GRADË USHTARAKE						PERSIA E SOTME
	○			SERË "INDONEZIA"				TANTAL, ELEKTRON FILOZOF NË GREQINË ANTIKE			ARAP ERMELINDA MEKSI	
KLUBI I YNI FUTBOLLIT	○				GOJËTAR POROSIA E FUNDIT					KUNDËRSH-TAR I BOLSHEVIZMIT RUS DESPOTIK		
BASHKËT.	○	KRYEQYTETI I NJË SHTETI EVRO-AZIATIK NJË LLOJ SHPATE JO SHUMË E MADHE							SHTET NË AZI (pashq.)	MIMOZA MUSTAFA QYTET NË KOSOVË		TONI ADAMS SHUMË E LODHUR, E KËPUTUR
"O" para dy "J"	○			SUPER MODELJA KANADEZE JESSICA	TËRËSI E MIT-EVE TË NJË POPULLI ISH PORTIERI GJERMAN OLIVER ...						EMPLOYER IDENTIFICATI. NUMBER ISLAM MUSA	
LLUKA ANTONINI	○		NUK KA (bised.) I FILLUAR			ZANORE	BARAZIM NË SHAH DOLLAP PËR TË MBAJTUR ZOGJ (shq.)					ZANORE ISH TRAJNERI YNË I BOKSIT LAH .....
<b>EPOKA ERE</b>	SHUMË I MADH DHE I FUQISHËM ARTI I VALLE-VE ME FIGURA (pashq.)							FUTBOLLISTI KALOU (CHELSEA) QË LIDHET ME DITËN				LLOJ VEGLE MUZIKORE (sh.shq.)
PEMË E VENDEVE TROPIKALE					AFËRDITA DEMAKU KËNGËTARJA ... KOÇI			SHEGË FUTBOLLISTI ... TOURE (MANCHESTER CITY)			REPERJA JONË ... VLORA NATIONAL UNION TEACHERS	
POETI VINCA					FUTBOLLISTI SHQIPTAR OSMANI OSMAN (perkdh.)				AGJËRIMI (krah.) RINOR (perkdh.)			
"... VEGAS"				XEHETAR KALJARI, ANKONA						PIRAT NOTË MUZIKORE		
E KËPUTA (krah.)					VEÇIM NGA RRETHI KU JETOJMË ZANORE					KËNGËTARJA ALTUNA SEJDIU BASHKËT.		
KRYEQYTETI SHQIPTAR						SATIRIK						TËRËSI E VEPRIMEVE TË NJË KULTI FETAR

ZGJIDHJA E FALËKRYQIT: KAVANOS, PIT, ARENA, ANALE, RARITET, RIM, OPOJA, EMIRA, TANJA, ENISI, VASHA, RL, LIKA, DIANA, EZ, MILINGONA, E, SHANI, MORINA, M, LUM, EVERTON, LA, OAZA, I, RAZIA, IM, KORDON, HIRI, BITUM, TAE, I, ZI, LIRIA, ORATOR, ESER, K, ANKARAJA, MM, TA, OJU, MITOLOGJI, EIN, LLA, SKA, REMIZIM, I, TITANIK, SALOMON, BANANË, AD, NAR, LIL, AGIM, TEFIK, NIMIMI, LAS, MINATOR, KUSAR, E NUKA, IZOLIM, TUNA, TIRANA, IRONIK, RIT.





Republika e Kosovës  
Republika Kosova – Republic of Kosovo

Komuna e Mitrovicës së Jugut  
Opština Južna Mitrovica – Municipality of Mitrovica South



## FTESË PUBLIKE PËR PJESËMARRJE NË SHQYRTIM PUBLIK NË PROCESIN E PËRGATITJES SË PLANIT ZHVILLIMOR KOMUNAL TË MITROVICËS SË JUGUT

Për: Qytetarët e Qytetit të Mitrovicës së Jugut, Personave Juridik, Shoqatave dhe Grupet tjera  
Lokacioni: Qendra e Kulturës "Rexhep Mitrovica" në Mitrovicë  
Data: 23.07.2020  
Koha: 13:30

Të nderuar qytetarë të Qytetit të Mitrovicës së Jugut

Drejtoria e Planifikimit dhe Urbanizmit (DPU) në bashkëpunim me kompaninë "INSI" nga Prishtina, ka kënaqësinë t'ju ftojë të jeni pjesë e Shqyrtimit Publik për draft Planin Zhvillimor Komunal të Mitrovicës së Jugut.

DPU kërkon pjesëmarrjen tuaj aktive dhe njoftimin tuaj mbi përpjekjet e Komunës për të përgatitur PZHK-në për Mitrovicën e Jugut, dhe gjatë këtij procesi në mirëpresim nga ju që të paraqitni propozimet, vërejtjet dhe sugjerimet për hartimin e këtij dokumenti shumë të rëndësishëm.

DPU është e përkushtuar të bashkëpunojë ngushtë me të gjitha palët e interesuara që janë të gatshme për të kontribuar për përgatitjen e një Plani Zhvillimor Komunal të qëndrueshëm për Komunën tonë dhe pronat tuaja, për 8(tetë) vitet e ardhshme 2020-2028.

Pjesëmarrja juaj do të mundësojë një planifikim të mirëfillt duke ndikuar dhe kontribuar drejtpërdrejt në përmirësimin e jetës në vendbanimin tuaj.

Pjesëmarrësit e interesuar, janë të obliguar që, me rastin e ardhjes t'i respektojnë në mënyrë strikte masat e caktuara nga IKSHIP dhe Qeveria e Republikës së Kosovës, siç janë; të jenë të pajisur me maska mbrojtëse, si dhe t'i respektojnë mbajtjen e distancës së paraparë për siguri të secilit.

Me respekt.



## Gjej PUNË

- Lajme nga tregu i punës
- Shërbime shkrimi

Gjej Punë ofron shërbime drejtë përgatitjes së:

- CV-së
- Letrën Motivuese
- Parapregatitje për intervistë



[www.facebook.com/gjejpuneshpejte](https://www.facebook.com/gjejpuneshpejte)

## RESTAURANT

# SWISS

## TAVERNA

Tel: +377 45 400 156 +386 49 848 553

PRISHTINË

## >> SHPALLJE TË VOGLA <<

► Mehreme (Shaqiri) Hasani e lindur me 10.09.1970 me nr. Personal 1005247434 ne Fshatin Tushilë komuna Skenderaj e shpall te humbur Certifikatën e notave te shkollës Fillore "Iliria" te cilën e ka kryer ne Tushilë ne vitin 1980-81.

► Jap banesë me qira afër 60 m2, kati III-Lagja Mati 1 Rr.Z3-Si Theodor Muzaka nr.14. në Prishtinë. Banesa posedon dhoma gjumi dhe sallon, kuzhinë, korridor banjo ballkon . Banesa është e mobiluar komplet, preferoj ta jap banesën me qira për afat të gjatë. Tel: +38344185233.

► Lëshoj banesë me qira në lagjen "Dardania" në Prishtinë. Banesa ka 50 m2, me inventar të kompletuar, banesa ka kuzhinë me sallon, teras, banjo një dhomë gjumi, shpajz dhe korridor, banesa lëshohet për një qift ose për dy vajza. Tel: 044171328.

► Lëshoj shtëpinë me qira në lagjen Velania, pa pagesë sepse shtëpia ka nevojë për përkujdesje ndërsa shpenzimet mujore ti bëjë vetë banuesi si: ujë rrym bërlllok, Tel: 044-608-626.

► Lëshoj banesë me qira për student apo familjar në lagjen "Mati 1" Rr. "Muharrem Fejza", banesa është 70 m2 dhe i plotëson të gjitha kushtet, kati dytë ndërtim i ri tel: 044-686-900.

► Lëshoj banesë me qira, banesa është ndërtim i ri dhe gjendet në lagjen "Mati 1" rruga "Muharrem Fejza" Prishtinë. Tel: 044-686-900.

► Lëshoj banesë me qira në lagjen "Mati 1" përball "Super Vivës", me sipërfaqe mbi 50 m2, kati dytë me ngrohje, klimë, ashensorë etj, çmimi 200 Euro. Tel: 044-185-233.

► Lëshoj banesë me qira garsoniere në Ulpian kati i parë, posedon tre shtretër dhe e mobiluar. Preferohet për studenta ose studente, një qift apo të tjerë. Çmimi është 185 euro. Tel: 044-812-875.

► Lëshoj garsonjer me qira në lagjen Ulpiana kati i parë. Banesa është e mobiluar dhe i plotëson të gjitha kushtet për banim, preferohet për një qift apo tre studentë, mund të merret për kohë të shkurt apo të gjatë. Çmimi është 180 Euro. Tel: 044-812-875.

► Urgjentisht kërkoj një banesë me qira në Prishtinë. Banesa duhet të ketë 1 ose 2 dhoma gjumi e mobiluar ose bënë edhe e pa mobiluar. Çmimi prej: 200-250 €. Tel: 045-660-188

► Lëshoj lokalin më qira. Lokali është i pasitur më të gjitha kushtet përcjellëse. Lokali gjendet në lagjen e Boshnjakëve në Mitrovicë. Për informata më të hollësishme mund të na kontaktoni në këtë numër të telefonit: 049-392-275

► Lëshoj banesë me qira në Lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanet me pamje nga parku me çmim sipas marrëveshjes tel: 045-891-338 ose 049-616-139

► Lëshoj banesën me qira në lagjen Bregu i Diellit te Furra "Qerimi2", i ka dy dhoma të fjetjes, sallon me kuzhinë, shpajz dhe dy ballkone. Për info 044/332-640.

► Lëshoj banesën me qira në lagjen Bregu i Diellit te Furra Qerimi2, i ka dy dhoma të fjetjes, sallon me kuzhinë, shpajz dhe dy ballkone. Për info 044/332-640.

► Lëshoj banesën me qira e cila gjendet prapa AAK-së me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e tel: viber +37744162783 dhe 049/900-994.

► Lëshoj banesën me qira ne lagjen Bregu i Diellit 2 te banesat e bardha, afër Shkollës Iliria banesa është dy dhomshe e mobiluar komplet, për info lajmërohuni në tel: 044/262-940 dhe 049/ 737-867.

► Lëshoj banesën me qira, e cila gjendet prapa AAK-së, me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e telefonit: 044-162-783.

► Lëshohet banesa me qira ne qendër të Prishtinës afër Sheshit Zahir Pajaziti, banesa është dy dhomshe e mobiluar, lëshohet me qira prej 1 qershori deri me 1 gusht (dy muaj), çmimi sipas marrëveshjes. Për informata në tel. 044/171-328.

► Lëshoj banesën e re me qira në qendër prapa teatrit Kombëtar, me sipërfaqe prej: 60 m2. Banesa ka një dhomë gjumi, sallon dhe kuzhinë. Ka të gjitha pajisjet. Çmimi: 300 Euro. Banesa lëshohet për afate të gjata dhe të shkurtra. Informata në tel: 049\44-888-801 (viber)

► Lëshoj banesë me qira, penthouse. Banesa gjendet te Rrethi i Veterikut në Prishtinë. Banesa ka 150 m2, dhe ka 3 dhoma, dy banjo, 2 garazha si dhe shpajz. Për info mund të na kontaktoni në këtë numër të tel: 049-440-466.

► Lëshoj banesën një dhomshe me qira, ne lagjen Dardania afër Postës Kryesore (posta e Madhe) Kroi i Bardhe, banesa është e mobiluar tërësisht. Për informata lajmërohuni në tel: 044/558-894 Prishtinë.

► Lëshoj me qira banesën e mobiluar te salloni i mobileve "ALBED" në Fushë Kosovë. Banesa i ka 65 metra katrorë dhe është e gatshme për banim. Më shumë informata në: 044/706-079.

► Lëshoj banesën me qira në lagjen "Ulpiana" në Prishtinë, afër AAK-së. Banesa është e mobiluar komplet. Për informata mund të na kontaktoni në këtë numër të telefonit: 044-162-783, si dhe në të njëjtin numër në viber.

► Kërkojmë 4 bashkëbanuese, studente, banesa gjendet te Parku i qytetit, kati i I-rë, ka 3 dhoma, banjo, ballkon, çmimi për person është 50 euro plus shpenzimet. Për info: 045/699-221.

► Lëshohet me qira banesa në lagjen Bregu i Diellit te furra Qërimi 2. Banesa është në katin e tretë, ka sallon dhe kuzhinë si dhe dy dhoma të fjetjes. Numri i telefonit: 044 332 640.

► Lëshohet banesa me qira në Prishtinë në lagjen "Ulpiana", afër AAK-së. Për informata lajmërohuni në tel: 044/162-783

► Lëshoj banesë me qira në Ulpianë, tek Fontana në: E 30-3A, nr.27, kati -IV-. Çmimi sipas marrëveshjes në info: 044-132-368.

► Kërkoj dy bashkëbanuese, mundësisht të cilat janë duke punuar. Banesa gjendet në qendër të qytetit në Prishtinë përball Prokurorisë së shtetit (ish-ndërtesa e OSBE-së, ose ish-ndërtesa e Bankës së Lubjanës), rruga "Hajdar Dushi", afër shtabit kryesor të Policisë së Kosovës. Banesën mund ta shiheni çdo ditë. Numri i telefonit: 049/402-518.

► Shesim banesën dy dhomshe në Ulpiana D8 h3 Nr 15 kati 3 ndërtim i vjetër, e rinovuar komplet, me nxemje të qytetit, çmimi 77 000€. Informatat tel:049/400-958 dhe 044/627-387